




WANTOK




OCEAN BLUE

Tuna in oil
Rait teist
yah!



Wan Wik, Septemba 8 - 14 2005 NAMBA 1625

Niuspepa bilong yumi ol PNG stret! K1.00 long Mosbi tasol - Ausait Mosbi K1.30



NA HISTRI? SAMPELA wokman i stat brukim wanpela han bilong namba wan haus palamep bilong kantri long daun taun Pot Mosbi siti long Trinde. Man i go pas long wok, Joe Hawengao i tok wanpela kontrakta husait i kisim toktok long Nesenel Musiem i askim ol long brukim dispela hap han bilong bipo palamen haus we gavman bilong Papua Niugini i bin kirap. Dispela hap haus i bin bagarap na ol kain kain man i kam brukim. Planti manmeri i no wanbel olsem em i stap nating, tasol Nesenel Musiem long sampela wik i go pinis i bin tokaut olsem ol i nogat inap mani long lukautim na stretim bek. Em i sindaun long sait bilong bikpela opis AON Haus.

YUMI REDI NAU

Pasin Tumbuna, lotu na spots bai makim tripela ten krismas bilong PNG

BIKSITI Pot Mosbi bai go pas long makim tripela ten krismas bilong Papua Niugini i sanap olsem wanpela indipenden kantri.

Stat long tumora (Fraide Septemba 9) bai bikpela lotu bai kamap insait long Mosbi siti stat long 6 kilok nait i go inap 6 kilok moning long Sarere.

Long Sarere apinun bai i gat bikpela wok klinap insait long siti we PNG Ivens Kaunsil, ol lain i stretim olgeta

program bilong amasim dispela bikpela de bai go pas long en.

Siaman bilong PNG Ivens Kaunsil, Sir Peter Barter i singaut long olgeta manmeri insait long Mosbi long halivim ol long dispela bikpela klinap program ol bai kamapim.

I go moa long pes 3



Hepi 30 Indipendens PNG i kam long....




TOYOTA

Limited Stock

CAMRY

Top Executive Class



2.4 litre, Twin Cam Multi Valve engine
Automatic Transmission
Fully packed with luxury features

FOR ENQUIRIES CONTACT

PH 3229400

Email : whim@elamotors.com.pg

Ela Motors

TOYOTA TOYUSHO (PNG) LTD.

ELM003

Hapim kaikai na pre strong long makim 30 aniveseri

SINGAUT i go long olgeta Kristen Sios long kantri long makim neks wik Fonde Septemba 15 olsem de bilong hapim kaikai na preia.

Asbisop bilong Pot Mosbi Katolik Asdaosis Sir Brian Barnes i wokim dispela singaut olsem hap long wok redi bilong sios long selebretim 30 yias aniveseri bilong independens bilong PNG.

"Taim yumi redi long selebret, yumi tok tenkyu long God long planti gutpela samting em i givim long yumi. Na yumi putim Fonde Septemba 15 olsem de bilong hapim kaikai na preia.

"Wantaim sapot bilong ol sios lida, yumi selbretim dispela 30 yia long ol komyuniti na kongriksen wantaim ol preia na tok tenkyu long ol planti gutpela samting na tu, gutpela stia

long stretim wanem samting i no go gut.

"Hapim kaikai na dring long dispela de bai helpim yumi long strongim tingting bilong yumi long preia.

"Yumi wanpela kantri na wanpela pipel," Asbisop i tok insait long wanpela toksave em i salim i go aut long ol Kristen Sios long kantri.

Wes Polis kisim ol nupela ka

Fred Raka i raitim

POLIS long Wes nu Briten i kisim 4-pela nupela kar long helpim ol long wok bilong ol.

Wes Nu Briten Gavana Clement Nakmai i bin givim ol dispela ka we i bin kostim Wes Nu Briten Provinsel Gavman K260,000 long baim long Ela Motos Kimbe. Tupela ka em ol Toyota lenkrusa na tupela em ol Ten sita bas.

Polis Komisina Sam Inguba i bin kisim ol dispela ka long makim Polis Dipatmen na bihain, givim

i go long han bilong Provinsel Polis Komanda long Kimbe insait long wanpela seremoni ol bin holim long Kimbe Independen Pak.

Long wankain taim, Komisina Inguba, Deputi bilong em Gari Baki, Niugini Ailans Divisenel Polis Bos, Komanda Fred Sikiot wantaim ol arapela bikman bilong polis i bin stap long provins las wik long opim tripela nupela polis stesen.

Tripela em long Talasea, Seksen 10 Komyuniti Polis Bareks long Kimbe na Nawo Polis Stesen long Biala Distrik. Taimn em i givim ol dispela ka, Mista Nakmai i tokaut long helpim we gavman bilong em i go long ol polis long provins bilong em olgeta yia.

Em i tok ol dispela ka bai helpim ol polis i karimaut gut wok na kamapim gutpela sindaun na ol wok bisnis long provins i ron gut.

Em i tok pasin we gavman bilong em i mekim i bihainim tasol 5-pela het tok na gol Provinsel Gavman bilong Wes Nu Briten we wanpela long ol em lo na oda.

Komisina Inguba taim em i autim bikpela tok tenkyu tu long tupela welpam kampani, Nu Briten Welpam na Hargy Welpam long helpim sanapim Talasea na Nawo Polis stesen.

Angoram pipel kisim ol helpim bot na dingi

OL pipel bilong Angoram long Is Sepik provins bai gat gutpela rot nau long kisim ol kakau na kopra samting long salim long maket long Wewak na ol arapela taun.

Dispela i kamap bihain long memba bilong ol na Minista bilong Nesenel Plening na Monitoring Arthur Somare i bin givim sekmani inap long K171,000 . olsem las peimen bilong K1.2 milien i go long Ela Motos Yamaha Asisten Prodak Menesa Jacob Moveh las Sarere long pinisim peimen bilong rurel developmen Trensport program bilong em.

Aninit long dispela program, ol pipel i kisim ol motobot na ol liklik sip bilong helpim ol long karim ol prodak i go long ol maket long taun.

Taim em i prisenim sekmani i go long Mista Moveh em bin tok ol dispela bot bai helpim ol pipel long ol ples longwe long taun insait long Angoram Distrik bilong kisim ol kakau na kopra i go long maket.

Em i tok ilektoret bilong em i save kamapim gutpela kwaliti kakau winim ol narapela hap insait long Sepik provins na olsem, i



KI BILONG STATIM MOTO: Memba bilong Angoram Arthur Somare i amamas long kisim ol ki bilong ol Yamaha moto we Asisten Menesa James Moveh i givim em.

mas gat gutpela Trensport sistem long karim ol dispela samting i go long maket.

Na rot long ol pipel bilong em i go long taun em long sip , motobot na kanu.

Long ilektoret bilong em, Angoram Kakau na kokonas Trensport program em dispela we i kam aninit long Rurel Trensport na Infrastrksa Developmen program bilong Mista Somare.

Mista Moveh i bin tok ol i salim ol autbot moto na dingi i go long Wewak na han bilong Ela Motos long Wewak bai tilim ol i go long ol pipel.

Taim em i tok tenkyu long Mista Somare, long

gat bilip long Ela Motos na kisim ol prodak bilong ol, Mista Moveh i bin tok em i bilip ol dispela bot na dingi samting bai helpim gut ol pipel long karim ol samting i go long maket.

Bogenvil kirapim komiti bilong sekim ol ausait bisnis

BOGENVIL Eksekutyutiv Kaunsil i tok orait long kirapim wanpela komiti bilong glasim na givim etvais long ol bisnis we ol pipel long narapela kantri i laik go karimut long Bogenvil Otonomes Rijen. Ol i kolim dispela komiti long Bogenvil Interim Invesmen Skrining Komiti.

Komiti bai i gat ol man i makim ol wan wan grup i stap insait long em. Em long Plening, Ikonmik Sevis, Buka Taun Kaunsil, Komyunit i makim ol grasrut, ol Sios na Lokol Level Gavman i stap insait long em.

Presiden Joseph Kabui i tok dispela komiti bai wok long sotpela taim long helpim Otonomes Bogenvil Gavman (ABG) long monitaim na kontrolim ol man bilong ol narapela kantri i gat intres long go long Bogenvil.



TORO

TORO RITIM NIUS OLSEM SIK AIDS I KAMAP PLANTI MOA NA KILIM PLANTI MAN NA MERI LONG P.N.G. ... EM PRET NA WARI TRU ...

AYOO! OL PANUK MERI SAVE KARIM OL DISPELA AIDS SIK RAUN, YAH! OL I SAVE RAUN LONG OL DISKO PLES, YAH!

OH-NO! DISPELA PLES TU EM DISKO PLES TU, YAH! MI MAS LUKAUT LONG OL!

INO LONGTAIM WANPELA MERI KAM NA ASKIM EM LONG BIA !!

HEI, BRADA. (hic) SAUT MI KIAT BOTOL I PLES.

AYOO, PLUS LIV MI ALON..AM A MERIDIAN!

YU MARIT MAN/E GO STAP LONG HAKIS!

Yumi redi nau

From page 1

Sarere moning tu em taim we ol kain kain spot program bai kamap insait long siti.

Stat long 7 kilok moning long Sande, PNG Kaunsil bilong olgeta Kristen Sios bai statim lotu misa long olgeta hap insait long kantri.

Long wankain taim, As Bisop Sir Brian Barnes bilong Katolik Sios insait long PNG i askim olgeta sios long tingim lotu na preia long strongim kantri (lukim stori long Pes 2).

Mande em bai taim we ol bikpela spots resis bai kamap long Mosbi wantaim ol tumbuna singsing bilong ol kain kain hap bilong kantri bai stat insait long ol wan

wan hap bilong siti.

Dispela bai go inap long Fonde taim namba wan de bilong bikpela Hiri Moale Festival bai go het.

Fraide nau long Independens De stret em bai stat long 5 kilok moning we pulim bilong nesenel flek bai kamap.

Stat long 10 kilok moning i go inap belo, bai olgeta kalsa grup, polis, difens fos, ol yut na mama grup, ol skul, spots na olgeta arapela manmeri na bisnis i makim PNG bai mekim bikpela mas tru i go long Sir John Guise Stadium we olgeta bikpela program bai kamap.

Long wankain taim, Hiri Moale Festival bai go het yet.

Sarere, Septemba 17 bai lukim bikpela bung tru bai kamap long Sir John Guise

Stedium we olgeta skul insait long Mosbi bai mekim wanpela bikpela so i makim groa bilong kantri.

Namel long dispela taim, bai i gat ol bikpela spots pilai i kamap. Australia Kangaroos silek sait bai kamap long pilai long Sande Septemba 18.

Narapela bikpela samting bai kamap em ol wushu kung fu lain bilong Saina bai kam raunim kantri long makim independens.

Saina komyuniti bilong PNG i wok strong long kisim ol dispela lain i kam na ol bai wokim ol so bilong ol stat long Rabaul long namba 12 na 13 de bilong Septemba.

Ol bai kamap bek long Mosbi long namba 14 de na givim so bilong ol long pablik long namba 15 na 16 de.

Sans bilong glasim groa bilong kantri: Sir Peter

Andrew Molen i raitim

NESENEL Ivens Kaunsel (NEC) husat i redim ol samting bilong amamasim independens na siaman, Sir Peter Barter i tok olgeta samting i ron orait tasol.

"Tingting bilong mipela em long amamasim dispela independens long olgeta distrik.

"PNG i kam longpela rot pinis na dispela 30 enavesari i givim sans long yumi long lukluk i go bek na go fowet long hap," Sir Peter i tok.

I gat planti samting bai kamap long dispela taim na long program bilong NEC, ol amamasim bai stat long Fraide Septemba 9 (tumora) wantaim prea na lotu na i go i nap long Sande Septemba 18 stret wantaim nesenel gem bilong PNG Ragbi lig we PNG Kumuls Praim Ministas 13 bai

bungim Australia long Pot Mosbi.

Sir Peter i tok tu olsem gavman bai i givim luksave long sampela ol pipel bilong em wantaim ol 30 enavesari medol long ol sevis bilong ol long kantri moa long 25 na 30 years.

"Olgeta 89 distrik insait long kantri i kisim pinis 10 000 medol long givim long ol lain long hap.

"Ol lain i noken kisim dispela ol medol nating, ol lain i wokhat tru i mas kisim," Sir Peter i tok.

Em i tok ol bai salim ol samting bilong bilasim ples tu i go aut long ol provins bai ol i ken putim long ol ples ol i stap long amamasim dispela bikpela de bilong kantri.

"Mipela bai salim sampela moni i go long ol lain long ovasis olsem ol embasi na hai komisin bilong PNG bai ol tu i

ken amamasim long na ol bai kisim ol medol tu long givim long ol lain long hap husait i mas kisim," Sir Peter i tok.

Long Pot Mosbi yet, planti wok tu i go het pinis.

"Wanpela bikpela wok i kamap i stap em ol wok long stretim ol rot insait long siti we ol bikman bai i ron long en long dispela taim," em i tok.

Sir Peter i tok tu olsem ol i laik onaim praim minista bilong nau na ol bipo praim minista na dispela bai yu i ken lukim long wanpela bikpela bod long Erima we ol i penim pes bilong olgeta praim minister bilong PNG.

Em i tok tu olsem bikpela wok bilong klinim ples i wok long kamap nau long ol wanwan provins.

"Lae em i wanpela ples i kamapim gutpela wok tru long klinim ples.

"Wanem samting bai i

kamap hia long Pot Mosbi mipela i laikim bai i kamap tu long ol narapela provins," Sir Peter i tok.

Long Pot Mosbi yet olsem planti ol narapela hap insait long kantri bai i lukim planti spots na ol kalsarel sho i kamap long planti hap bilong siti wantaim bikpela festival bilong Hiri Moale.

Long dispela Sir Peter i singaut long ol kalsarel grup long kam givim nem sapot ol i laik pilai long amamasim independens na noken wari long kisim moni long dispela.

"Noken putim prais long kalsa bilong yumi bilong wanem moni i no i nap long kalsa.

"Mipela i laikim bai ol kalsarel grup long ol provins i mask am fowet long singsing na givim han long amamasim dispela taim," em i tok.



BIKPELA hevi tru i stap nau wantaim dispela bikman loya husat i sanap long kot bihain long em i mekim panuk piksa wantaim meri bilong em na ol arapela poroman bilong em.

Nau yet em i sutim tok long ol niuspepa long bogarapim nem bilong em. Na asua bilong husat tru na em i kamap long ai bilong pablik olsem? Niuspepa i salim em i go long kot?


DISPELA kain pasin nau i wok long kamap bikpela moa we ol manmeri i save moa long yusim ol kain kain nupela masin i kam insait long kantri. Olsem na bikpela askim nau i mas go long ol lain long sensasip bot o ol lain husat i save glasim na skelim gut ol kain kain piksa na buk pastaim long ol i kam insait long kantri.

Yupela stap o nogat?

NA OL lain long Palamen husat i wok long toktok strong long go sekim gut ol nait klab insait long Mosbi siti, olsem wanem? Bikpela tok-tok i pairap, bihain win i pinis na solwara i silip sore tru. Husat bai go na stopim ol kain kain so insait long ol nait klab we ol i save baim ol yangpela meri long go rausim klos bilong ol nabaut.

LONG wankain taim, bikpela ripot bilong wanpela NGO i kamaut las wik na i autim planti ol kain kain paul pasin ol wasman bilong yumi long blupela yunifom i save mekim. Tasol olgeta toktok i sut long ol hevi ol dispela lain i save mekim, tasol nogat wanpela manmeri i askim sapos ol dispela wasman bilong yumi i save kisim gutpela stia tok na helpim long stretim gut tingting bilong ol.

OLGETA dispela samting em ol hevi kantri bilong yumi i wok long bungim. Nau mipela i kam painim namba 30 kribmas bilong yumi nau. Bai yumi larim ol pasin, tingting na bilip long strong bilong yumi yet i lus nating? Yumi mas strongim pasin bilong yumi. Yumi PNG ya, i no Amerika bai yumi wari wari long ol kain kain hevi. Yumi gat kalsa, yumi gat tumbuna pasin, na yumi pas klostu long graun bilong yumi. Strongim yu yet, na strongim PNG.



STRETIM PLES: (Antap)Ol wokman i redim bikpela stedium long Mosbi bilong stap sambai long neks wik.

PUTIM PNG I GO PAS: Ol skul sumatin long Mosbi i stretim danis na program bilong ol bilong Sarere.

Bogenvil askim sapot long Mosbi komyuniti

Veronica Hatutasi i raitim

BOGENVIL i laikim sapot bilong ol save manmeri bilong em i stap long Mosbi long givim helpim long sait bilong wok na mani.

Long wankain taim tu, tok i kamap long husat Bogenvil lain long Mosbi i laik go bek long ples na helpim long wok long Otonomes Rijen olsem em i gutpela long go bek.

Spika bilong Otonomes Bogenvil Asembli Nick Peniai i bin wokim ol dispela toktok long selebren bilong tok gutbai long Bogenvil Provinsel De long Pot Mosbi las wik Sarere Septemba 3. Moa long 800 manmeri na pikinini bilong Bogenvil yet i stap long Mosbi i bin bung wantaim na holim bikpela selebren long

Gordons Sekonderi skul graun, stat long moning inap long san i go daun na nait i bruk.

"Bogenvil i laikim ol save manmeri bilong em long Mosbi i kam bek long ples na helpim wantaim ol wok go het long ailan. Bogenvil i ples bilong yupela na bai mipela i amamasim long yupela i kam bek," Mista Peniai i tok.

Em i tok ol wan wan man i gat trening na save na ol i ken helpim long wei bilong ol yet.

Em i tok Bogenvil i kamapim nupela modol gavman na olgeta Bogenvil manmeri i mas sapotim long em i skruim wok gut.

Em bin luksave long hatwok bilong ol Bogenvil lida bilong bipo i kam inap nau, na blut bilong ol pipel i bin kapsait na dai long 10-ya hevi we nau, Bo-

genvil i karim kaikai long kisim otonomi gavman i gat moa pawa.

Na em bin tok tu olsem, i moabeta long PNG i lukluk long givim moa otonomi i go long ol narapela provins na ol yet i ken plenim ol wok developmen bilong ol. Tasol em i tok dispela otonomi i no wankain olsem Bogenvil i gat bikos Bogenvil bai go wanpela step moa we ol pipel bai wokim disisen long stap wantaim PNG o bruk lus olgeta.

Em bin givim bikpela luksave long PNG long helpim Bogenvil i kisim otonomi gavman.

Em bin tok Septemba 1 nau bai stap long memori bilong Bogenvil olsem de we em bin kirapim strong tingting long samting em i gat tude.

Salens long moa meri memba long 2007



MERI SAPOT: Francesca Semoso i laikim moa meri MP

DEPUTI Spika bilong Bogenvil Otonomes Gavman i askim ol meri long givim sapot long tripela meri memba bilong ol.

Long wankain taim tu, em bin tromoim salens long PNG Palamen long sapotim moa meri long 2007 nesenele ileksen.

Francesca Semoso i tok tripela meri memba long ABG em Magdalen Toroansi i makim ol meri Sentrel, Laura Ampa, ol meri Saut na em yet ol meri Not Bogenvil i laikim sapot bilong olgeta meri Bogenvil i stap long ailan na ausait long sapotim ol wantaim ol tingting na ol arapela rot we ol i ken helpim ol long en.

"Mipela i laikim sapot bilong yupela. Bogenvil i wokim histri long gat tripela meri memba

long Palamen bilong em, na tu, taim ol i makim mi olsem Deputi Spika. Dispela em i bikpela luksave long ol meri Bogenvil. Long yupela ol man, mipela bai stap na wok wantaim yupela na i no birua long yupela," Mis Semoso i tok.

Em bin singaut long moa meri Bogenvil long wok wantaim ol sief.

Em i tok em i no pret long autim tingting bilong em sapos em i lukim samting i no stret na dispela i go tu long tupela meri wanwok bilong em long ABG.

Em i tok sapos Bogenvil i soim rot bilong ol meri i go het, em i tromoim salens long PNG palamen long sapotim moa meri i go insait bikos insait long 30 krismas, 4-pela meri tasol i kamap Palamen memba.

Wes Nu Briten redi long Indipendens

Steven Kadiko i raitim

WES Nu Briten Provinsel Gavman i skelim pinis K222, 000 bilong makim namba 30 indipendens selebresen insait long provins neks wik.

Siaman bilong Provinsel Indipendens komiti Sam Esekia i tokim Wantok Nius olsem dispela mani em ol i brukim pinis i go long 11-pela Lokol Level Gavman (LLG) insait long provins long ol yet i ken amamasim aniveseri selebresen bilong kantri insait long wan wan ples bilong ol yet.

Mista Esekia i tok wan wan LLG i kisim K20, 000 na em i samting bilong ol yet nau long mekim wanem disisen long ol wan wan selebresen hap yet. Nesenele Gavman tu i givim K39, 000 long provins long dispela namba 30 indipendens selebresen.

Siaman i tok provins i laik mekim dispela bai i naispela moa na bai ol manmeri na pikinini long provins i stap insait na save long tru mining bilong dispela de. Mista Esekia i tok komiti bai putim kamap

tu ol kain kain pilai na ol toksave bilong provins insait long ol niuspepa olsem Wantok, Post Courier, na National na ol manmeri i ken lukim na ridim ol toksave bilong provins bihain long 30 ylas em i kisim i

gat ol dibeit resis bai ol bai putim kamap long indipendens selebresen namel long tupela sekonderi skul, Kimbe na Hoskins. Het tok bilong dibeit o paitim tok resis em long "Atonomes Gavman" na long sait bilong ol Top Ap praimerai bai ol i resis long paitim tok long het tok "Sapos PNG i redi long kisim indipendens o nogat."

Mista Esekia i tok tu olsem i gat Kwis bai ol i holim tu bilong ol yut long dispela selebresen mani i go long bikpela welpam kampani long Wes Nu Briten na PNG wantaim Nu Briten Pam Oil kampani long tok tenkyu long ol bikpela wok develop-

men i kamap insait long provins. Dispela em i namba wan taim tru provinsel gavman i gat luksave na em i givim dispela kain helpim mani i go long NBPOL.

Mista Esekia i tok dispela em i mak bilong provinsel gavmani tok tenkyu na sapot i go long NBOP long welpam bisnis we i save go pas long ol wok long provins na kantri.

Wantok Nius i save olsem ol LLG long provins i katim mani i go long ol wan wan wod bilong ol long makim ol indipenden selebresen bilong ol yet. Na dispela em wanpela rot tru bilong mekim ol pipel husat i nogat rot long wokabaut i go long ol distrik na provinsel hetkwota long selebretim namba 30 bonde selebresen long wan wn eria na wod bilong ol yet.

Mista Esekia i tok amamas tru long ol komiti bilong em husat Greg mongi em wanpela foma sinia pablik sevan i go pas olsem Kodineta bilong em. Mista Mongi i tok em i bel kirap tru taim provinsel i askim em long go pas long ol wok bilong redim ol program bilong dispela namba 30 indipendens aniveseri.

Singaut long wok bung wantaim

Veronica Hatutasi i raitim

SINGAUT i go long olgeta Bogenvil pipel insait long Pot Mosbi long sapotim nupela Otonomes Gavman bilong ol.

Long wankain taim tu, singaut i go long ol long mekim kamap samting long strong bilong ol yet na i no lukluk long kisim helpim olgeta taim.

Not Bogenvil Memba James Togel i bin wokim ol dispela toktok long bikpela

selebresen long Gordons Sekonderi skul long Pot Mosbi we ol Bogenvil pipel husat i stap insait long siti i bin bung wantaim na tok gutbai long Septemba 1 Provinsel De bilong ol.

Stat long neks yia, bai ol i makim namba wan krismas bilong Otonomes Bogenvil Gavman.

Moa long 800 manmeri na pikinini Bogenvil i bin bung wantaim na statim de wantaim misa we Oksiferi Bisop bilong Pot Mosbi Bisop Cherubim Dambui i bin go pas long en.



FLEK I BIKPELA SAMTING: Ol flek bilong Otonomes Rijen bilong Bogenvil, PNG na ol wan wan distrik i bin flai tu long bikpela de bilong Bogenvil long Mosbi siti.

Bihain long em i bin gat ol toktok i kam long ol Bogenvil lida. Spika Nick Peniai bilong Bogenvil Otonomes Gavman i bin makim maus bilong Presiden Joseph Kabui long dispela selebresen.

Mista Peniai i bin tok Bogenvil i bin as long kirapim Provinsel Gavman long kantri na Septemba 1 em i de we Bogenvil i bin kirapim strong tingting long kamap fri olsem wanpela pipel ol yet na em i bin helpim ailan long kisim Otonomi gavman.

Long wankain taim tu, Mista Togel taim em i luksave long ol Bogenvil lida bilong pastaim na nau yet long

kontribusen bilong ol na Bogenvil i kisim gavman i gat moa pawa nau, i bin salensim ol pipel long kisim skul long ol samting i kamap pinis na sapotim ol lida long wok long samting we bai helpim pipel i muv i go het long en.

"Bogenvil em i modol bilong kantri na wol long kirapim namba wan Otonomes Gavman long rijen. Olsem na yumi mas putim han wantaim na sapotim em.

Yumi mas mekim wok long helpim yumi yet bikos dispela tasol bai kisim yumi i go het. Yumi noken lukluk tumas long ol helpim lain bikos yumi no inap go het," Mista Togel i tok.

Em bin tokim ol pipel long bihainim het tok bilong ol sief na dispela em long: "Yuniti namel long ol pipel na Jastis na Pis long olgeta".

Gutpela selebresen tru i bin kamap bikos tripela eria long rijen em long Not, Sentrel na Saut Bogenvil i bin sanapim ol komiti na redim ol program. I bin gat planti kaikai na bihain long em, ol singsing na danis tumbuna olsem singsing kaur bilong ol Saut na Sentrel Bogenvil lain, Solomon Danis bilong not, Mambu ben musik bilong Not na pawa ben bilong biknem musik grup bilong Bogenvil 'Niuage Ben' i sekim ples wantaim musik we planti pipel i laikim tumas.



LAINIM KALSA: Yangpela Bethany Tukana bilong Hagogohi i bin wanpela long planti yangpela Bogenvil manmeri husat i bin soim stail pasin kalsa bilong ol.



Madang redi long amamas

OL pipel bilong Madang provins bai statim namba 30 independens aniveseri selebrens bilong ol long neks Mande Septemba 12 wantaim grup bilong Saina i putim kamap pilai bilong ol.

Provinsel Etrministreta John Dorpar i tok ol wok redi i go gut na askim long ol bisnis haus long mani helpim bilong sapotim ol program bilong selebrens i kamap gut tu.

Tasol Mista Dorpar i tok wanpela samting Provinsel Ivents Kaunsil i wari long en em long ripot long rot ol distrik i yusim mani we Ivents Kaunsil i tilim i go long ol.

Mista Dorpar i tok nau yet, ol askim long mani bilong kari-maut ol selebrens i wok long kamap long ol komyniti grup na skul insait long ol ruel eria.

Em i tok Ivents Kaunsil i no inap long givim helpim nau na em i askim ol Distrik Etrministreta long helpim ol.

Em i tok Kaunsil inap long helpim tasol ol Beon Haus kalabus lain wantaim K8,000 long ol selebrens bilong ol.

Kaunsil i bilip olsem long ol dispela bikipela selebrens gavman na komyniti i mas wok bung gut.

Em i skruim tok moa olsem wok bilong Ivents Kaunsil i ken strongim dispela wok bung. Long sait bilong ol selebrens, Mista Dorpar i tok olgeta 6-pela distrik long Madang i redim pinis ol samting bai kamap long selebrens.

Em i tok tu olsem sampela senis i kamap nau long program bilong provinsel selebrens bikos ol i rausim falawoks, mask festival, na Ailans nait bikos mani i sot long karimaut ol dispela pilai.

Long opim ol selebrens long Mande, bai i gat ol pilai spot we bai go het inap long Trinde Septemba 14. Long dispela nait, bai ol laip ben i pilai we bai lukim ol atis pablik i laikim tumas ol.

Long Fonde Septemba 15, em bai de bilong ol meri husat bai bung wantaim na selebret wantaim preia, mas, singsing na danis.

Long dispela nait, ol yangpela skul sumatin bai putim kamap Yang Talen So program we ol sumatin bilong ol skul insait na klostu long Madang taun bai stap long en.

Long Fraide Septemba 16 we namba 30 independens aniveseri i pondaun, ol samting bai kamap laip nau ya. Long bikmoning yet olsem 5.30 am pairap bilong kundi bai kirapim ol man i slip yet i stap.

Long opisel stat bilong dispela program, bai i gat PNG MAS we ol polis lan, skul sumatin ol meri, yut, ol spots grup na ol arapela institusen bai go insait long Mas na soim trupela PNG kala long Laiwaden Ovol.



STAIL BILONG GARAMUT NA MAMBU: Ol meri bilong Sassoia i bin bihainim ol manmeri bilong ol arapela ples long taim bilong bikipela Garamut na Mambu Festival long Is Sepik. Bikipela amamas na stail bilong kalsa bilong provins i bin kamaut long dispela taim. Dispela so i save kamap long olgeta yia.

Bai i gat ol fleg resing seremoni na bihain long en, ol tok-tok. Kaunsil i askim Madang memba Alois Kingsley na olpela Sief Jastis Sir Arnold Amet long givim ol bikipela tok-tok bilong dispela de.

Bai i gat ol tumbuna pilai, singsing na danis we ol wan wan provins na grup long Madang yet bai putim kamap ol stail bilong ol.

Long nait, taun bai kamap laip wantaim Gospel Musik Konset we ol yut bilong Madang i go pas long em. Ol bai skruim selebrens i go long Sarere Septemba 17 we ol

spots i pilaim ol fainol na ol wina bai kisim ol independen trofi.

Long nait, bai i gat ol laip ben we ol ben grup i gat biknem long Madang bai kirapim das wantaim ol musik na pilai bilong ol.

Olgeta selebrens bai pinis long Sande Septemba 18 wantaim kombain sios sevis long Sir Donald Cleland Pak.

Kaunsil bai askim Sir Peter Barter long pasim ol selebrens.

Karkar bai bihainim na amamas

Paulus Tali i raitim

OL pipel bilong Madang na Karkar Lutheran Distrik bai gat dabel selebrens long dispela mun.

Wanpela em long namba 30 independen aniveseri na narapela em long 118 yias bihain long namba wan Lutheran misinari i bin karim Gutnius i go long ples bilong ol long yia 1882.

Evanjalikol, Lutheran Sios insait long Madang, na Kar kar distrik bai holim Amamas de bilong sios bai kamap long ples Bom long Bugati

Eria long pinisi bilong dispela mun. Siaman bilong ol wok redi long dis-

pela bikde em Reveren Kasek Kautil i tok tupela distrik wantaim bai kamap long amamasim de bilong Rhenish Lutheran misin long Gemeni we ol bin kamap pastaim long ples bilong ol long Astrolob Be long Septemba 1882.

Tupela distrik bai amamasim de bilong sios na tok tenkyu long ol dispela Misinari i bin kam wantaim Tok bilong God na tu, long luksave long Bikipela long gutpela lukaut bilong em na ol lain misinari i bin kam long longwe ples olgeta long PNG.

Hetman bilong Evanjelikel Lutheran sios long PNG, Dokta Wesley Kigasung bai ges spika long dispela

selebrens. Ol lain i makim Madang Provinsel Gavman bai kamap tu long amamasim dispela bikde wantaim ol pipel bilong Madang na Karkar Lutheran distrik.

Long dispela taim ol Kristen bai putim kamap ol pilai drama, ol singsing na danis tumbuna na ol arapela samting moa long amamasim dispela de. Ol i askim ol Kristen husat i laik putim nem bilong ol long prisenim samting long go het na mekim.

Evanjelikol Lutheran sios em wanpela long bikipela sios long wol na PNG, wankain olsem ol susa Katolik, Anglikan na Yunaitet Sios.

Strit maket bagarapim Lae siti

Yowakicte Buafec i raitim

LAE siti nau i wok long bagarap bikipela tru long ol rot maket long spet buai na ol pipia skin buai.

Wanpela lokol bisnis man bilong Mul Baiyer eria long Hagen, Joseph Ruing i tokim Wantok Nius las wik Fraide olsem "dispela kain pasin bilong mipela sampela Hailens i no olsem tumas we ol dispela ol lain i save stap long wanem hap na i kam pulap nating long arapela provins na bagarapim siti bilong ol gutpela lain Morobe nambis manmeri."

"Mi yangpela man Hailens i kam long Lae Siti long mekim stoa bisnis long 3 mail setolmen long Lae siti nau krismas bilong mi long Lae siti mi stap 4-pela yia na mi lukim dispela pasin ya i wok long kamap bikipela tru. Klostu ol i bagarapim olgeta hap kona bilong siti bilong ol Morobe pipel," em i tok.

Em i singaut long ol papa graun Morobe long noken sindaun ai pas na larim siti i bagarap long ol dispela kain pasin bilong strit maket na pikpoket.

"Traim na apim het na opim ai na lukluk raun o wokim operesen wokabaut long siti taun nau i wok long bagarap

bikipela tru long ol strit maket long siti bilong yupela na traim rausim ol dispela lain ya," em i tok. "Mi wok long harim nius bilong ol NCD long Mosbi ol i wokim bikipela operesen long rausim na stopim kain ol strit maket bilong salim smok buai long taun na Pot Mosbi i wok long senis liklik na yumi long Lae i nogat wanpela gutpela luksave."

"...ol lain i save stap long wanem hap na i kam pulap nating long arapela provins na bagarapim siti bilong ol gutpela lain Morobe nambis manmeri."

Em i tok taim ol Morobe Trefik Registri Opis bilong Lae Trensport Bod i wokim operesen bilong sekim ol bas wankain tu mas kamap long ol taun strit maket bai ol pipel bilong Lae i lukim kala bilong siti i stap bipo bai kamap nais tru gen.

"Mipela bilong Hailens tasol mipela i gat bel sori i stap bikipela tru long dispela siti Lae i bagarap na tu mipela i pait strong tu long Morobe taun i mas kamap gut olsem Hagen," em i tok.

Bumayong Sekendari holim kalsa so

Yowakicte Buafec i raitim

WANPELA bikipela skul bilong bipo, Bumayong Lutheran Hai Skul long Morobe provins bai kamapim kalsa so bilong ol long Fraide 9 na Sarere 10 de bilong mun Septemba.

Wantok Nius i bin stap wantaim ol las wik Sande long bikipela bung bilong ol papa mama bilong skul we i bin pulim planti papamama bilong ol sumatin bilong toktok long ol skul fi dinau bilong kamapim skul kalsa so.

Bumayong Lutheran Het Tisa, Gisuat Siniwin i bin go pas long dispela bung bilong ol papamama.

"Mipela bai kamapim dispela so em long helpim na sapotim ol sumatin bilong Bumayong LSHS long ol

samting olsem ol kompyuta masin, ol laiberi buk, ol tebol na sia, ol samting bilong skul na tu mipela bai kamapim wanpela nupela laiberi opis long ol sumatin i ken skul na ridim planti moa buk long kisim moa save wantaim planti arapela samting ol i wokim," Mista Gisuat i tok. Em i tok nau yet i gat ol kain kain nupela masin i stap we em bai isi tru long ol sumatin long kisim moa save bihain long ol i go long ol bikipela skul olsem yunivesiti.

Het masta Gisuat i tok kalsa so bai pulim planti singsing grup mak bilong 15-pela singsing grup bai ol i kamap long samsam.

Kodineta na Siaman bilong Kalsa So Komiti, Jack Kwa i tokim Wantok Niuspepa las wik Sande

olsem so ya bai kamapim bikipela das tru na i gat ol arapela samting tu bai kamap.

Mista Kwa i tok bai i gat wanpela Mista na Misis Bumayong resis em ol Lae Beker Kampani long lae Siti i givim mani long kamapim we ol bai soim ol yet insait long so wantaim ol pawa ben resis na tak ov woa resis.

Tupela biknem masol man David Mugarenang na Mista Kanage bai kamap long dispela so tu.

Wantok Nius i kisim toksave olsem ol singsing grup we bai i singsing em ol lain olsem Kabwum, Finsafen, Siassi, Markham, Wantoat, Nabak na tripela singsing grup bilong Hailans rijen. Bai i gat ol lain bilong manus, Tolai, Papua, ol Asaro na ol arapela gita resis.

Goroka redi long kamapim bikpela so

Sape Metta i raitim

TAIM bilong bikpela amamas i kam klostu na ol pipel bilong Goroka na Isten Hailans i statim pinis ol wok redi gut bilong ol samting long Nesenel Spots Institut pilai graun long holim bikpela so we bai kamap long independens wiken.

Ripot i kam long Goroka So Sosaiti opis i tok nau yet ol hotel, hostel, lods, ges haus na ol arapela haus slip long taun em ol i bukum aut pinis.

Na dispela i soim olsem planti ol lokol na intanesenel turis bai kamap long lukim dispela 49 enuel so, we bai i kam pas wantaim namba 30 independens eniveseri bilong PNG.

So ya bai sat long Septemba 15 i go pinis long 18.

Ripot i go moa na tok nau yet moa long 100 tumbuna singsing grup long olgeta kona bilong PNG - long Momase, Niugini Ailans, Sauten na olgeta Hailans njen i wok long redim ol yet long kamap na kirapim bikpela das long dispela so.

Ripot i tok tu olsem ol wanpinis long hapsait long boda, Wes Papua (Wes Irien) i redim pinis tupela kalsarel grup long kamap na stap insait long dispela so.

Goroka So Sosaiti i makim lokol bisnismen Terry Shelley olsem siaman na namba tu em Himany Lapiso, na ol arapela komiti husat bai makim bisnis komyniti, pablik seven na ol arapela industri.

Sekretri long opis bilong gavana, John Sarei bai go pas long stretim ol komiti long taim bilong so.

Long ol arapela ripot we i kam long opis bilong Intenel Sekyuriti Minista na Memba bilong Goroka, Bire Kimisopa, i gat tingting na plen i stap pinis we selebresen bilong namba 30 independens eniveseri bai no inap pas wantaim so.

Mista Kimisopa i tok ol pipel long Goroka i no save amamasim luksave long independens, long wanem ol i no inap mekim olsem bikos taim bilong putim ap so i save kamap tu long wankain taim.

Em i tok em i gat tingting long halivim ol pipel long Goroka long luksave na selebretim independens eniveseri.



KIRAPIM DAS: Goroka So em i taim bilong soim tru naispela kala bilong ol Hailans singsing.

Kerefa Wimens Asosiesen kirapim flawa projek

Sape Metta i raitim

WANPELA hauslain mama grup long Massy viles long Goroka, Isten Hailans i kamapim pinis planti wok long ples long halivim ol mama na ol yangpela meri long ol kain kain rot bilong kamapim ol samting we ol i ken halivim ol long painim gutpela sindaun bilong ol yet long viles level.

Klostu long tripela yia i go nau, Kerefa Wimens Asosiesen i kamapim pinis planti gutpela samting.

Wanpela yangpela mama em Margaret Harve husat em presiden bilong Kerefa Wimens Asosiesen (KWA) i tokim Wantok Niuspepa olsem ol mama long asosiesen ya i no save kisim gutpela luksave na halivim moni, tasol ol i go het na wok hat na kirapim pinis Wimens risos Senta we ol i wok long yusim nau long karimaut ol wok bilong ol.

Em i tok planti ol mama na ol yangpela meri long Massy viles i gat gutpela tingting long lainim na kisim save hariap long wokim ol samting taim ol i go long trening. Trening em ol i save kisim long risos senta bilong ol.

Presiden harve i tok, maski sapos KWA i ron inap tripela yia tasol, em i kirapim pinis ol liklik projek long wokim ol stail bilum, samapim ol naispela klos na kuk.

Nau yet ol i kirapim pinis na ronim wanpela nupela projek, em flawa na Frolik Kalsa projek.

Em i wanpela nupela kain projek long Isten Hailans na Hailans rijen tu. Na ol mama long Massy Viles i lukim olsem dispea projek bai go het na kamap bikpela tru long ol yia i kam bihain.

"Dispela i ken kamap, tasol mipela

i nidim moni na tu mipela i laikim ol rot i mas op long mipela i ken putim ol flawa bilong mipela long maket. Mipela i laik maketim ol flawa bilong mipela long lokol, nesene na intanesenel level.

Em i wanpela lokol industri, tasol mipela i laik mekim dispela industri i go long nesene na intanesenel level.

Long dispela as bai mipela i nidim halivim bilong treid na industri dipatmen long lukluk na traim long painim ol maket long kantri na long ol arapela ovasis kantri, bai mipela i ken salim ol flawa bilong mipela," Presiden Harve i tok.

Treid na Industri Minista Paul Tiensten husat i bin mekim lukluk raun long Massy viles long taim bilong bung bilong Melenesien Spiahet Grup i bin tokim ol mama long Kerefa olsem em i amamas tru long lukim ol lokol mama i kirapim kain flawa projek olsem.

"Dispela em i nupela kain projek na bet bilong mi i amamas tru long lukim ol mama long viles level i kirapim dispela projek. Long level bilong mi olsem minista, mi bai traim long lukluk na painim ol maket bilong yupela," Mista Tiensten i tok.

Em i tok bihain long narapela raun bilong em long taim em i kamap long Massy viles bipo long dispela yia i pinis, em bai givim sampela liklik halivim long ol mama long Kerefa Wimens Asosiesen, bai ol i ken go het na karimaut ol wok bilong ol.

Nau yet KWA i ronim tu ol arapela wok bilong literasi skul, givim trening long ol lokol fama na tu ol i kamapim ol awenes na promosen wok long skulim ol pipel long lukautim ol yet.

Trening i karim kaikai

Sape Metta i raitim

LONG kisim trening, lainim na kisim gutpela save long gutpela wokabaut na sindaun, em i no isi.

Planti taim ol manmeri husat i save gat bikpela laik long lainim pasin bilong gutpela wokabaut na sindaun, em ol i save wok hat tru.

Long san taim na long nai, gutpela taim na taim nogut em ol i save wok hat tru long skul.

Na bihain long ol yia i kam na i go, ol i save lukim gutpela kaikai i save kamap long ol hatwok bilong ol.

Na husat tru i save givim ol gutpela trening long ol manmeri husat i save gat bikpela laik long lainim pasin bilong gutpela wokabaut na sindaun.

Bekim bilong dispela askim - em ol sios.

Na Sios ov Kraus em i wanpela long dispela ol sios we em i kamapim trening ol i kolim 'Trening Towods Masuriti o TTM' long trenim ol sios memba bilong ol bai ol i ken go het na kamap olsem ol trena long trenim ol arapela.

I no long taim i go pinis, 8-pela memba na sios lida bilong Sios ov Kraus long Goroka, Isten Hailans i greduet na kisim setifiket pepa bihain long ol i bin kisim tripela yia TTM trening long kamap olsem ol trena, long ol lokol sios long Goroka na Isten Hailans.

Man husat i bin go pas olsem trena long dispela TTM trening Fred Burrows i tokim Wantok

Niuspepa olsem em i amamas tru long lukim olsem dispela 8-pela sios lida husat i kamap olsem ol sumatin i bin wok hat tru na bihain long tripela yia, ol i pinisim trening na greduet.

Em i tok dispela em i namba wan taim bilong ol sumatin long Isten Hailans i kisim TTM trening na greduet.

Lokol sios lida na TTM sumatin, Jon Sine Fox i tokim Wantok Niuspepa bihain long greduesen olsem em i gat bikpela amamas long lukim kaikai bilong hatwok em na ol arapela wanwok bilong em i kamapim.

Em i tok kain trening i givim ol moa save long skulim ol arapela sios memba. Na em i tok tenkyu long trena Fred Burrows na meri bilong em, Sandra long givim ol bikpela halivim tru long gutpela trening em tupela i givim long ol.

Ol lain husat i kisim TTM trening na greduet em: Philemon Kaupa na meri bilong em Miriam, John na rose Korenga, Jotto na Anna Monase, Jon Sine Fox na Kaupa Famio Siune.

Wankain trening tu i bin kamap long Lae, we 9-pela sumatin i greduet na 6-pela moa i bin greduet long Simbu.

Trena Fred Burrows i tok dispela TTM trening bai go het yet long ol yia i kam bihain.

Olsem bikpela samting i moa gutpela long ol manmeri i mas lainim nupela ol samting long helpim ol yet. Em i no rong long manmeri i laik go moa long lainim ol nupela samting long mekim wok.



BANK OF PAPUA NEW GUINEA

PRESS RELEASE

KINA FACILITY RATE (KFR) FOR SEPTEMBER 2005

In the eight months to August 2005, the country has witnessed a strengthening of the exchange rate, lower interest and inflation rates and a strong build up in foreign exchange reserves. These developments were further supported by the continuation of sound fiscal management by the Government, which has resulted in a budget surplus of 1.3 percent of nominal gross domestic product (GDP) over the year to June 2005. Given the above, inflation expectations for the September and December quarters of 2005 remain subdued, thereby providing a conducive environment for private sector investment.

Based on the favourable developments, the Bank of Papua New Guinea advises the public that the KFR is reduced by 1.0 percentage point to 6.0 percent for September 2005.

L. Wilson Kamit, CBE
Governor

Hiri Moale kisim helpim

Andrew Molen i raitim

OL meri husat bai danis long Hiri Moale resis dispela yia i ken tromoi gras sket bilong ol strong moa nau wantaim helpim bilong tupela bikpela kampani.

SP Brewery na British American Tobacco (BAT) long Tunde dispela wik i givim moni mak olsem K65 000 i go long Hiri Moale Festival komiti husait ol i ogenaisim dispela bikpela sho.

SP Brewery i givim K30 000 na BAT i putim K35 000 i go long Hiri Moale.

"Mipela i amamas long ol helpim bilong mipela i go long Hiri Moale festival long ol yia i kam we inap olsem nainpela yia nau stat long 1997.

"Hia long SP Brewery mipela i luksave olsem ol tredisen na kalsa em i impoten tru na yumi i mas lukautim bilong bihain taim.

"Mipela i amamas long stap olsem hap bilong dispela festival we i promotim wanpela pasin we i save kamap namel long ol Motuans na ol pipel bilong Galp provins." Maketing Menesa bilong SP Brewery, Albert Veratau i tok.

Em i tok amamas tu i go long komiti aninit long siaman bilong ol Adira Gumasa long kamapim Hiri Moale bilong dispela yia ken.

"Las yia mi save yupela i bin painim sampela hatwok liklik tasol festival i bin kamap gut tru.

"Nau mipela i amamas long givim K30 000 i go long dispela

festival," Mista Veratau i tok.

Mista Vai Reva bilong BAT i tok dispela festival em i wanpela bikpela samting tru na ol tu i amamas long givim helpim long en.

"Dispela i no wanpela bikpela samting tasol, yumi i mas tingim tu ol tumbuna bilong yumi long bipo long ol samting ol i mekim long helpim kantri bilong yumi," Mista Reva i tok.

Em i tok dispela festival i tingim bek Hiri treid i kamap namel long ol Motuans na ol lain long Galp na em i helpim tu long strongim kalsa na tredisen bilong PNG.

"Wanpela samting Hiri Moale i strongim tu em pasin poroman o wokbung na gutpela sindaun bai i nogat birua i kamap namel long ol pipel, yumi i mas holim strong dispela ol kalsa na tredisen," Mista Reva i tok taim em i givim sek bilong moni i go long deputi siaman bilong komiti, Mataio Noutaboro husat i makim siaman bilong em.

Mista Noutaboro taim em i kisim sek i tok: "Mi nogat planti toktok tasol, Tenkyu tru."

"Dispela bai i helpim long strongim wanpela kalsa na tredisen we i bin kirap moa long 200 yia i go pinis," Mista Noutaboro i tok.

Em i tok Festival bilong dispela yia em i impoten na spesol bilong wanem kantri bai i amamasim namba 30 independens bilong en na tu Prinses Anne bai i kam raun long kantri.

"Mi laik tok tenkyu tu long gav-



GUTPELA HELPIM: Maketing Menesa bilong SP, Albert Veratau (raitim) i givim K30,000 sek moni long Mista Noutaboro.

man insait long nesanel ivens kaunsel (NEC) husait ol i givim K100 000 na tu long siaman bilong nesanel kapitol distrik komisn (NCDC) Sir Mekere Morauta, siti meneja, Peter Loko na ol wokmanmeri bilong ol long K500 000 na long sapot ol i save givim olgeta yia.

Em i tok ol i no olsem bisnis i save mekim moni bilong ol yet olsem na ol i save lukluk long helpim bilong ol narapela tasol wok bilong ol i impoten tru.

Hiri Moale Festival em i wanpela bikpela festival we i save kamap olgeta yia long Pot Mosbi long taim bilong independens long makim

Hiri Treid we i save kamap bipo tru namel long ol Motuans na ol lain long Galp provins.

Long olgeta festival ol i save makim wanpela meri olsem Hiri Queen na dispela yia bai i lukim ol meri i resis ken long lukim husait bai i kisim dispela taitol.

Jun Veli, Tokarara, na Hohola redi long kisim Viles Kot

OL lain husait i stap long June Veli, Tokarara, na Hohola i wok long redi nau long kisim vilis kot bilong ol, bihain tasol long ol lida man bilong ol i stap long wanpela tu wik kos long Grenvil Motel.

Vilis Kot Kodineta bilong Nesanel Kepitel Distrik Komisn Michael Napal i tok, dispela ting ting i bilong daunin ol keis long Erima na Morauta Vilis Kot.

"Dispela tripela eria i no gat vilis kot na plenti taim ol i save pulap

long Erima na Morauta Vilis kot. Sapos ol i gat vilis kot bilong ol yet, em bai halivim ol long harim kot bilong ol yet," Mista Naphal i tok.

Em i tok, Pot Mosbi Siti i wok long gro, na plenty pipel i wok long kam long siti, na dispela i putim plenty wok long han bilong vilis kot.

Em i tok, sapos wan wan eria i gat Vilis Kot eria bilong ol ye, ol pipel long hap i ken kisim sevis, na ol i o no ken go long narapela hap

long usim ol vilis kot ofisel.

"Dispela treining i no min olsem bai i kamap megistret taim ol i pinis dispela skol. Ol i mas weit inap Vilis Kot Sekreteriat i oraitim seleksen, na putim nem bilong ol long gavman geset.

"Fainel disisen i stap wantaim Vilis Kot Sekreteriat, tasol ol lain husait i stap long kos, i soim pinis wok ol i save wokim taim ol i stap long eria bilong ol.

Mark Gigmai husat i go pas long June Valley eria i tok, em i lainim planti samting, long dispela kos.

Em i tok, dispela kos i helpim em long luksave long ol lo, pawa na tu, pasin na wei bilong ronim vilis kot.

Harriet Jack, wanpela biknem meri bilong Hohola, tu i stap insait long dispela kos, an em i amamas olsem, em i lainim plenty samting.

"Dispela kos i opim ai bilong

mipela. Em bai halivim mipela long wok gut long wanem mipela i lainim plenti samting tru.

"Olsem wanpela meri lida, mi lukim olsem, ol meri tu ken stap insait long dispela wok, long wanem, ol i ken glasim gut sampela rot bilong kamapim bel isi pasin insait long siti," em i tok.

NCDC i wok bung wantaim Kominiti Jastis Liesen Opis, aninit long Lo na Jastis Sekta long kamapim dispela kos.

Available for immediate delivery Nationwide

INDEPENDENCE OFFER

WAS ~~K9,350.00~~

Special Price

K8,990

Price Includes GST

E40XHML-R

- 40hp Enduro
- 2 Cylinder, 2 Stroke engine
- Tiller Handle Manual Start
- Fitted with Overheat warning device

Ela Motors

 Powering the Nation

Port Moresby.. Ph 3229400	Kimbe..... Ph 9835155	Wewak..... Ph 8562255
Lae..... Ph 4781800	Lihir..... Ph 9864099	Madang.. Ph 8522188
Kokopo..... Ph 9829100	Buka..... Ph 9739915	Tabubil... Ph 5489060
Kavieng..... Ph 9842788	Vanimo... Ph 8571254	Alotau.... Ph 6410100

OFFER EXPIRES : 30 / 09 / 2005 or WHILE STOCK LAST!

Klostu PNG bai gat nesenei klos

Veronica Hatutasi i raitim

TAIM i kamap pinis nau long PNG i gat nesenei dres o klos bilong em yet na dispela bai kamap tru tru long neks wik tasol.

Siameri bilong Nesenei Dres Resis Komiti Kala Olewale taim em i tokaut long dispela i tok insait long 30 krismas nau, PNG i wok long putim klos we ol i wokim long stail bilong ol arapela hap bilong graun tasol nau, yumi mas gat wanpela klos we i givim luksave olsem yumi bilong PNG.

"Mi bilip olsem kalsa i bikpela samting na PNG i mas gat nesenei klos bilong em yet we pipel i ken werim na kisim luksave namel long ol arapela kain kalsa long wol," Misis Olewale i tok.

Em i tok amamas long samting olsem 103 klos i stap insait long nesenei dres resis we ol i bin lonsim long mun Epril yet.

"Olsem siameri bilong klos resis, mi amamas na mi pilim olsem komiti i mas kamap wantaim nesenei klos bilong yumi.

Planti PNG meri i gat gutpela save long lukim tasol na wokim kain stail na wokim klos long en. PNG i mas i gat nesenei klos bilong em yet long taim bilong independens



OL KAIN STAIL I KAMAP: Planti ol stail klos long nesenei klos resis em ol i glasim na skelim nau. Siameri Kala Olewale i sekim ol klos i stap.

30 krismas i go pinis tasol ol komiti memba i bin go pas long dispela i no bin wanbel namel long ol yet na nau tasol yumi strongim tingting long dispela na bai yumi gat wanpela nesenei klos we PNG bai gat luksave long en.

Komiti i bin statim wok bilong glasim ol klos we ol i saim long resis long las wik Fonde yet. Na Misis Olewale i

go pas long 7-pela arapela bik manmeri husat i gat save long glasim na skelim planti ol naispela stail klos na kamap wantaim wanpela we inapim ol samting we komiti i makim long em na i gat namba long winim resis.

Namba tu hap bilong makim ol klos i bin kamap long dispela Tunde Septemba 6 na laspela hap long makim wina

bai kamap long Fraide nait, Septemba 16.

As tingting bilong resis em long promotim nesenei yuniti namel long ol pipel bilong dispela kantri.

Long 103 klos ol i salim i kam long resis, 81 em bilong ol meri na 21 em bilong ol man.

Ol meri YWCA bai werim na soim ol klos we bai ol i tokaut olsem ol i win long dispela resis.

Lo bilong Lukautim ol Meri



Toktok long Mentenens Lo ol mama i mas save long en.

LO I TOK WANEM?

Lo i tok papa na mama wantaim i mas mentenim o lukautim na sapotim pikinini. Man i mas lukautim meri bilong em. Sapos man i no gat gutpela as long em i no lukautim meri na pikinini, kot inap tokim man long peim mentenens (helpim mani) long meri na inap kalabus sapos em i no baim. Tasol em i moabeta yu yet yu traim pastaim long stretim dispela hevi na askim famill na pren bilong yu long helpim yutupela o askim pasto, pater long peris bilong yu, bikman long ples o welpe opisa. Sapos ol dispela rot i no nap, orait, yu ken askim kot long helpim yu.

MENTENENS EM I WANEM SAMTING?

Mning bilong Mentenens em mani bilong baim ol samting bilong helpim sindaun olsem kaikai, klos, rent, wara, pawa, skul fi, PMV long go kam long skul o wok, marasin na ol samting olsem. Papa i mas givim meri na pikinini inap mani long baim ol dispela samting sapos em i gat mani.

Moa long neks wik....

Sotpela Tok Lukaut

Skruiim toktok long HIV/AIDS

SAMPELA pipel i gat biratang bilong AIDS i laik go bek long ples bikos ol i ken kisim gutpela gaden kaikai na lukaut long ol famili na hauslain. Tasol sampela i les long go bek bikos planti lain long ples i nogat gutpela save long sik AIDS na ol bai no laik lukautim ol. Ol meri we ol man bilong ol i dai long sik ya i save bungim hatpela taim stret bikos long lukluk nogut bilong ol ples lain.

i moabeta long ol pipel i gat HIV/AIDS long wokim disisen bilong ol yet sapos ol i laik go bek long ples na i no ol sief, ol papamama, patna na ol rilijes sapota.

Moa long neks wik.

Raun lukim ol meri na pikinini



REDI NAU: Ol skul pikinini bilong Goroka Kristen Akademi long Isten Hailans i redi long 30 independens aniveseri bilong kantri.



SKUL ANINIT LONG DIWAI: Maski insait o ausait long klasrum, ol Elementeri skul pikinini bilong Alotau Praimeri skul long Milen Be i amamas long skul.



NUPELA KLOS BILONG PNG? Bikpela klos resis nau i stap bilong painim nupela klos bilong yumi ol PNG stret we i narakain long olgeta arapela kantri long wol.



AMAMASIM OL PAPA: Ol Mama grup long Sen Peter Sanel Erima Peris i bin wokim spesel lans bilong amamasim de bilong ol papa bilong peris long Sande Septemba 3. Emmanuel Koaba i makim ol papa i katim keik wantaim presiden bilong ol Erima Katolik Mama, Eliana Robert.



Kuk Kona wantaim MERI WANTOK

TERIYAKI FISH O CHICKEN O KUKIM PIS O KAKARUK LONG KUK BILONG OL SIAPAN

Yu mas i Gat:
Ol samting bilong yusim long Teriyaki marinnet
¼ kap Soi so
¼ ka Sake (Japan Wain)
¼ kap Mirin
1 paun suga

- We long Kukim:**
- 1- Pis. Ol pis i gat oil long ol olsem tuna o atun, trevali na mekerel
 - 2- Kakaruk- Ol kakaruk tais (bikpela hap lek bilong kakaruk) we yu katim i go liklik long inap long mak bilong maus.
 - 3- Tanim tanim gut ol hap hap pis yu katim wantaim teriyaki sos long tupela awa bipo yu kuk.
 - 4- Rausim ol hap hap pis o kakaruk na putim marinnet sos long sospen long em i kol pastaim.
 - 5- Putim ol pis mit o hap hap pis aninit long grill na putim liklik hap sos antap long pis o kakaruk taim yu kuk.
 - 6- TOKSAVE: Yu ken redim long wankain rot ol hap kakaruk long ol liklik mambu diwai ol taimim long ol liklik brum stik na kukim antap long paia.

STORI TASOL



wantaim

FR. PAUL LIWUN, SVD

Save long rot bilong strongim marit

WANPELA taim, wanpela nius ripota i bin kisim stori bilong wanpela marit tupela i makim 50 yia (golden jubili) bilong marit bilong tupela. Nius ripota i bin askim ol, "wanem sikret o wanem namba wan ki bilong mekim marit bilong ol i stap strong inap long 50 yia i go pinis?"

Long bekim dispela askim, man i bin tokim ripota olsem em i bin lainim sikret bilong marit bilong ol long tambu man bilong em. Em i bin tokim ripota olsem: "Wanpela moning bipo long sampela wik bilong marit bilong mi i kamap, mi bin askim tambu man bilong mi; wanem samting mi mas mekim bai meri bilong mi mas stap amamas?"

Man ya i bin kisim bekim bilong askim bilong em long de bilong marit bilong ol stret. Tambu man bilong em i bin givim wanpela bokis na i tok; "Em dispela!!! Olgeta samting yu laik save bai yu ken mekim meri bilong yu i amamas, em i stap long his".

Taim man i opim dispela bokis, em i painim aut olsem insait long dispela bokis i gat wanpela han was ol i wokim long gol. Insait long glas bilong dispela han was ol i bin raitim wanpela toktok. Em i gat strongpela bilip olsem em bai lukim dispela toksave planti taim long olgeta de. Dispela tok i olsem: "Olgeta taim yu mas toksave long wanpela naispela samting long Sara (nem bilong meri bilong em)".

I luk olsem planti manmeri bai tok olsem, "dispela samting em i wanpela hat wok long wokim". Em i samting nating. Isi tasol long tokaut".

Tasol sapos yu lukluk bek long laip bilong yu olgeta de olsem marit manmeri yu bai painim aut olsem pasin bilong soim rispek na tok amamas long man o meri bilong yu, i no stap olsem wanpela samting yu mas mekim olgeta de.

Soim ona na tok amamas bai isi long tokaut sapos yumi bihainim strong tingting lewa bilong yumi. Tasol planti taim marit manmeri na famili bilong ol i lukdaun na les long soim tok amamas bilong ol i go long ol arapela insait long famili. Olsem na marit manmeri i save lukdaun long ol liklik samting insait long famili bilong ol. Bikos ol i lus tingting olsem dispela liklik samting olsem tok amamas o givim luksave long wok man o meri i mekim long famili, inap long mekim marit bilong ol bai stap strong na amamas bai pulap long famili bilong ol.

Dispela tasol em i namba wan samting i bin mekim marit bilong dispela tupela marit mi bin stori antap i bin stap strong na bringim ol i kamap long 50 yia na ol i bin amamasim dispela 50 yia wantaim bikpela amamas moa.

Dispela stori bilong mi em i soim wanpela samting bilong mekim marit i stap strong. Tasol i gat narapela samting tu i stap. Yupela marit manmeri i mas lukluk bek na painim aut, wanem as bilong mekim marit bilong yupela i stap strong inap long tude. Tasol sapos marit bilong yu i no stap gut, yupela yet i ken painim aut, wanem samting i bin mekim marit bilong yupela i no stap strong? Sapos yupela laik strongim marit bilong yupela nau, yupela ken traim dispela samting we tupela marit mi stori long ol i bin yusim, na yu ken kirapim bek spirit bilong marit bilong yu tupela.

Tok amamas long man o meri bilong yu, em i wanpela liklik samting, tasol yu mas tokaut. Long taim man o meri bilong yu i bin mekim wanpela wok, maski em i liklik wok. Yu mas autim tok amamas bilong yu long en; olsem tok tenkyu o tok amamas long wok em i bin mekim. Bikos liklik tok amamas bilong yu em i gat bikpela strong long laip bilong man o meri bilong yu.

Santu Augustin i bin givim sampela tok stia i go olsem: "Sapos yu laik kisim ol bikpela bikpela samting, yu mas stat wantaim liklik samting pastaim".

Glasim famili wok na God

Veronica Hatutasi i raitim

GLASIM laip na wok bilong lukautim famili na sevim God em ol bikpela samting we sampela papa i bin tingim long De bilong ol Papa long Sande Septemba 3.

Dispela em tingting bilong Peter Terence, wanpela papa bilong Milen Be husat i gat 4-pela pikinini na i stap wok long Mosbi. Em i save lotu long Sen Peter Sanel Erima Katolik peris insait long Nesenel Kapitel Distrik.

Na Emmanuel Jack em narapela papa i wanbel wantaim em na skruim tok olsem i moabeta long kisim ol pikinini man namel long 12-19 krismas long kam stap insait long ol selebren bung bilong luksave long de bilong ol papa.

Tupela papa i bin autim ol tingting bilong ol long belo kaikai bung Mama grup bilong Erima Peris i bin putim kamap long peris haus long luksave, tok tenkyu na amamasim ol papa long bikde bilong ol. "Mi lukim dispela de olsem wanpela bikpela de long tingim papa bilong mi na tok tenkyu long gutpela lukaut na stia em i givim mi na mi yet tu i bihainim.

Sapos nogat papa, ol pikinini i no kisim gutpela sapot na stia we papa i ken givim. Mi makim ol papa long peris husat i gat strongpela pasin



OL GUTPELA PAPA: Amamasim De bilong ol Papa wantaim belo kaikai ol Mama grup bilong Erima Peris i redim.

pre na givim sapot bilong ol na wokim toktok.

"Tude mi tingting strong na glasim mi yet sapos mi mekim wok bilong mi olsem gutpela papa long famili," Peter i tok.

Tupela i bin luksave long gutpela tingting bilong Erima Mama grup long bung olsem kongriksen na amamasim de bilong ol papa.

"Mi amamas long lukim ol mama i yunaitim ol famili long dispela rot. Bai gutpela moa tu sapos yumi kisim ol yangpela

pikinini bilong yumi long kam long ol kain bung olsem na ol i ken lukim na lainim ol gutpela samting bikos ol bai kamap olsem papa long bihain taim.

Ol kain senis i wok long kamap long famili laip long kantri na long bung olsem kongriksen em i gutpela long wanem em i helpim olgeta i strongim spirituel sait tu.

Long wankain taim tu, ol papa i luksave long wok ol meri bilong ol i wokim long Mama grup. Na laik bilong ol

mama long ol man bilong ol i kamap ples klia," Emmanuel i tok.

Long wankain taim, lida bilong Divain Mesi preia grup Maria Niaga i tok planti taim ol famili i gat ol gutpela taim na taim bilong hevi na i gutpela long bung long peris.

Em i tok dispela i gutpela sans long bung na luksave na tok tenkyu long wok ol papa i mekim long wok na lukautim ol famili bilong ol.

Sios patna woksop progrem strongim wok

SEKIM na glasim sistem i bikpela samting long gutpela menesmen wok i kamap na stap long wanem bai gutpela wok i kamap, wanpela woksop long sios patnasip progrem (CPP).

Meri i go pas long CPP progrem woksop long Lae las wik, Jan Cossar i bin tok olsem.

gavman bilong Australia i bin kirapim dispela sios patnasip progrem we i gat Luteran, Angliken, Katolik, Yunaitet, Salvesen Ami, Seven De Etventis na Baptis Yunien i stap insait long em. Progrem i bin stat klostu long pinis bilong las yia na mani em i stap aninit long lukaut bilong AusAID.

As tingting long progrem em long strongim wok sios i mekim long kontribut long helpim kantri i go het.

Aninit long dispela progrem, wanpela bikpela samting em long putim i go insait ol gutpela wok plen long projek level na long wokim dispela,

sampela stia helpim i mas go long sait bilong karimaut ol progrem.

Wanpela stia helpim i bin kamap las wik taim CPP i bin holim woksop las wik i sut long monitaim na glasim na skelim. CPP seketeriet i kamapim dispela woksop long givim save long ol sios lain we ol bin makim ol long stap insait long woksop.

Mis Cossar i tok ol stia, monita o glasim na skelim woksop i bikpela samting bikos ol i givim ol menesmen lain long save bilong karimaut gut ol wok na ol progrem bai go gut na karim gutpela kaikai.

Planti i bin laikim woksop na tok dispela kain woksop bai helpim strongim ol sios long go hetim ol progrem bilong helpim wantaim ol wok developmen long kantri.

Planti i tok tru ol i makim ol wan wan sios, bikpela samting we i bungim ol wantaim em olgeta i gat bikpela tingting long wok bilong go hetim kantri na pipel.



TOK PIKSA BILONG MANIMAN I MEKIM LONGLONG PASIN

Na Jisas i autim wanpela tok piksa long ol olsem, "Gaden bilong wanpela maniman em i karim planti kaikai. Orait dispela man i ting olsem, 'Bai mi mekim wanem nau? Mi no gat haus inap long bungim olgeta kaikai bilong mi.' Na em i tok, 'Ating bai mi mekim olsem. Bai mi brukim olgeta haus kaikai bilong mi, na wokim ol bikpela bikpela haus. Na mi bai bungim olgeta wit na olgeta gutpela samting bilong mi long ol dispela haus. Na bai mi tok long mi yet olsem. Man, mi win tru ya. Mi gat planti gutpela samting i stap inap long planti yia. Orait nau mi ken i stap malolo. Bai mi sindaun na mekim bikpela kaikai oltaim na amamas i stap.' Tasol God i tokim em olsem, 'Yu longlong man tru. Nau long dispela nait tasol bai yu dai. Na olgeta samting yu bin redim i stap, em husat bai i kisim?' Na Jisas i tok, "Dispela kain samting bai i kamap long ol man i hipim hipim planti samting bilong ol yet, tasol ol i stap rabis long ai bilong God."

LUK 12: 16-20



Tok ples Siapan i kilim ol

10-pela sumatin bilong UPNG na Sogeri i bin stap long resis bilong tok Siapan. Resis i bin hap long 30 kris-mas gutpela wok pren selebrenen namel long PNG na Siapan. Noel Leana em fainoil yia Lenguj na Komyunikese sumatin long UPNG i bin winim namba wan prais. Tupela meri, wanpela i skul long UPNG na narapela long Sogeri Nesenei Hai i bin winim namba tu na tri prais.

Olgeta sumatin i amamas long lainim save tok ples Siapan na raitim tu na tok save long dispela tokples bai helpim ol long save long kalsa, nupela teknoloji bikos ol Siapan em ol i papa long dispela eria na sampela moa samting olsem gutpela pasin, luksave na yusim gut taim we ol Siapan i gat nem long em.

Piksa na stori: Frank Asaeli - UPNG.

Givim moa mani sapot long wok risets

MOA mani sapot i mas go long medikel na saiens risets wok long helpim ol dokta na saintis i karimaut wok bilong ol bikos wok risets em i bikpela samting we i givim stia long ol helt polisi bilong gavman, helt sekta na kantri.

Profesa Michael Alpers husat i bin Dairekta pastaim long Nesenei Medikel Institut na Edita bilong PNG Medikel Jenel we i save lukautim ol helt na medikel risets wok na putim ol i go long ripot i bin tokaut long dispela insait long bikpela bung bilong ol dokta, nes na ol arapela wok manmeri bilong helt sekta long Yunivesiti ov Goroka long dispela wik.

Siaman bilong Medikel Risets Etwaiseri Kaunsel (MRAC) Dokta Gilbert Haiwalyer i sapotim toktok bilong Profesa Alpers na tok em i tru ol atoriti i no givim gutpela mani sapot long ol lain i karimaut ol wok risets insait long helt sekta.

Profesa Alpers i tok tru Institut ov Medikel Risets i bin kisim sampela helpim long pastaim tasol ol i no skruim na olsem, institut i painim hevi long sapotim ol risets wok.

Em i tok medikel risets i helpim long daunim sampela sik bilong PNG yet olsem kuru, pikbel na sik bilong belsolap.

TOK LUKAUT



wantaim
DAVID EPHRAIM

Lukluk long teroris pasin

YES, long lukluk i go insait long dispela pasin, mi laik tok klia olsem ol samting mi toktok em ol wok painimaut bilong mi yet.

Bilong wanem na ol manmeri i save kamap teroris? Yu yet yu save lukim long TV, harim long redio na ridim long niuspepa. Insait long ol kantri long Midel Is na Afrika i go olsem long Saut Amerika i go antap long Not Amerika i kam klostu long Asia na kalapim i go insait long Yurop dispela pasin teroris em bikpela tru.

Long Papua Niugini yet yumi nogat dispela kain pasin tasol yumi gat ol sekonderi teroris pasin. Em taim raskol i bikhet nabaut o wan-pasin pait na polis brukim lo long paitim na bagarapim ol samting na ol manmeri.

I no long taim i go pinis bikpela bom i bin pairap long ples bilong kisim trein na planti i bin dai pinis long London siti. Planti i bin sutim tok long lotu Islam. Bikos long ol kain bilip ol i gat. Tasol bilong wanem?

Long luksave o klia long as bilong dispela kain pasin ol teroris i save wokim em i gat planti bekim tasol mi laik toktok long wanpela samting we planti ol teroris i save bihainim long en.

Planti ol teroris em ol save kilim manmeri. Planti bilong ol i save traim long bihainim wanpela kain bilip o tingting ol i gat long en. Planti i save tingting long mekim nem bilong ol long histori. Planti tu i save les long gavman bilong ol long kain pasin bilong no luksave long krai bilong pipel. Planti i pait bikos ol i laik kamapim na sanapim kantri bilong ol yet. Em ol planti kain as tingting bilong dispela kain pasin.

Long lotu Islam ol i bilip olsem olgeta manmeri i sin man o ol yet i kolim long infidels.

Ol i gat bilip olsem taim manmeri i no join long lotuim Alla o God em ol i mas kilim em i dai. Taim wanpela man o meri i kilim dai planti infidels' o sin manmeri ol rait insait long buk Koran o Holi baibel bilong lotu islam em i tok olsem bai dispela man bai go long paradais na Alla bai givim em 70 yangpela meri ol no slip wantaim man yet. Na tu ol wan lotu bilip man bilong islam bai lukim em olsem wanpela santu long dai bilong em.

Tasol nau yet i gat kain kain ol tingting tu i save wokim dispela i go kamapim tingting bilong man i les long narapela moa yet inap em i kilim em idai.

Taim mama i karim pikinini, pikinini i save kamap wantaim nupela kru. Na olgeta de em i save lainim samting we em i lukim. Gutpela o nogut em save lainim tasol.

Long Islam bilip taim pikinini i olsem 5 yia krismas orait ol i mas lainim olgeta buk Koran. Inap het bilong ol i pulap kapsait wantaim tok bilong Alla.

Na dispela em i save mekim tingting blong ol i narakain tru. Taim pikinini i kamap em i save lainim samting insait long ples we em i stap o mama papa em i gat ol bilip we dispela komyuniti i gat save i wokim kamap tingting bilong dispela pikinini.

Planti bilong ol teroris em ol lain bilong pait long bilip bilong ol. Wanpela samting em planti ol teroris i save les long kain sistem bilong ol westen kantri. Ol i kolim long Kapitelsim. Kapitelsim em sistem we yu wok bilong mekim mani bilong manmeri husat i gat planti mani. Yu wok boi tasol bilong ol bikpela na stronpela kantri tasol. Em wanpela bikpela as we dispela kain teroris pasin i strong tru insait long Midel Is na ol ted wol kantri olsem yumi.

Long wik bihain bai yumi lukluk long ol meri teroris.

Goroka lukautim bikpela helt bung

...Kimisopa wari long helt sevis no go gut

MOA long 500 dokta, nes na ol medikel opisa bilong PNG na sampela i kam long ovasis i bung nau long Goroka lsten Hailans long wanpela wik bilong toktok long ol bikpela samting i sut long helt, wok risets na ol samting i kamap long dispela eria.

Aninit long het tok "Research for Action, a Tool for Health Care Delivery", o Risets i mas karim kaikai na em i samting bilong helpim na karimaut Helt Kea.

Antap long ol narapela samting, namba 41 Medikel Simposium i lukluk long ol wok risets, HIV/AIDS, malar-ia na ol nupela marasin bilong daunim sik ya em ol sampela bikpela samting we bung i lukluk long en.

Long dispela taim, hevi long sot long marasin i go long ol rurel eria, mak bilong ol mama i dai taim ol i karim pikinini na tu, ol pikinini i dai i go antap em ol bikpela wari helt sekta na kantri i gat long em bikos PNG i gat rekot i no gutpela long dispela insait long Pasifik rujen.

Memba bilong Goroka na Intenel Sekyuriti Minista Bire Kimisopa long welkam toktok bilong em long Simposium i bin autim wari olsem helt sevis i no wok long go gut long ol rurel eria taim planti mama na bebi i wok long dai na antap long dispela, planti pipel i dai long ol sik we yumi inap stopim.

Em i tok kantri i gat 30 krismas tasol em i wok long bungim planti helt hevi moa yet.

Em i tok long dispela taim, bikpela wok na mani i go long daunim sik AIDS tasol i gat ol arapela helt hevi we yumi mas lukluk long em olsem dispela i sut long sik na dai bilong ol mama, ol bebi na pikinini.

Litresi progem helpim sumatin

Paulus Tali i raitim

WANPELA woksop long litresi o lainim long rit na rait i bin helpim sampela setelmen yut long lukim sampela senis na kisim nupela save long helpim ol long kamapim gut laip bilong ol.

Las wik, tupela ten (20) yut i bin greduet long wanpela litresi woksop we Baibel Trensesen Asosiesen i bin go pas long em. AusAID i bin givim helpim mani long mekim dispela woksop.

Ol lain i bin sindaun long kos em ol yangpela bilong ol setelmen insait long Mosbi siti olsem Erima, 8 Mail, ATS, Goldie, 9 Mail na ol arapela setelmen moa.

Reveren Alu Daniels i bin tokim ol lain i sindaun long woksop olsem Bikpela i luksave long ol bilong helpim ol narapela.

Em bin givim piksa bilong Aposel Paul long ol Kristen manmeri long bihainim na givim laip bilong ol i go long Papa God na ol samting bai kamap gut.

A COLLEGE TO CHANGE YOUR WORLD IN 2005

YOUR accredited international awards

Invest in accredited qualifications and skills to gain a successful career. Everything you need for study success is provided; Training Materials, Guide, Exams, Revision Tests, Exam, Award.

Diplomas (£150/US\$300/AUS\$360)


- *Accounts, Hotels, Tourism, Computers
- *Business, Management, English, Stores
- *Personnel, Office, Purchasing, Advertising
- *Marketing, Insurance, Secretary, Office

Advanced Diplomas, BBA, BCom, MBA

- *Business, Marketing, Finance, Organization

For a FREE Prospectus/brochure contact:
CAMBRIDGE INTERNATIONAL COLLEGE
P.O. Box 1378, Southampton,
SO17 3WX, Britain
Web: www.cambridgecollege.co.uk
email: info@cambridgetraining.com
Fax: +44 2380 337200

Accredited British Training & Education registered with the National Training Council & Ministry of Labour of Papua New Guinea



Salim ol pas i kam long WANTOK NUSPEPA: P.O. Box 1982, Boroko N.C.D 111 Fax: 325 2579 Email: word@global.net.pg

Nait klab i no pinis, bai sik AIDS i no pinis

Dia Edita
GIVIM liklik spes na mi laik autim wari bilong mi. Mi save ritim long Wantok Niuspepa na harim long redio olsem Gavman i save toktok planti long sik AIDS na tromoi bikpela bikpela moni long en. Na tu ol narapela kantri tu i save givim helpim mani long daunim dispela sik AIDS na i no pinis yet. Long las wik mi lukim long niuspepa Sosei Developmen Minista Dame Carol Kidu i tok moa yangpela meri i slip wantaim ol bikpela man. I gat planti nait klab long PNG na ol yangpela meri i laikim moni ol i save i go long hap na slip wantaim ol biksot. Bihain ol kisim dispela sik AIDS. Olsem na mi rait bilong yumi wan wan manmeri

long autim wari bilong yumi i go long Nesenel Eksekutiv Kaunsil bai ol i ken lukluk long em. Ol i mas rausim olgeta nait klab long kantri. Mi laik tok PNG em kristen kantri na yupela ol biksot i mekim pamuk pasin na bagarapim dispela gut nem Kristen kantri insait long wol. Mipela ol kristen i kisim sem bilong yupela ol wel dok na pik i nogat tingting na save bilong yupela. Em tasol na husat i laik sapotim mi o agensim mi em yu welkam tasol long rait long Wantok Niuspepa. Mi stenbai long ritim.

**W. WANGS
KIMBE
WES NU BRITEN
PROVINS**

Wokim lo bilong pasin pamuk

Dia Edita
MI SAPOTIM tingting bilong ol 70 mama Katolik bilong Pot Mosbi i toktok long lo gavman i laik sanapim bilong pasin pamuk i go olsem.

Dispela kantri PNG, em i gat nem kristen kantri. I nogat narapela kantri long wol i nogat dispela nem, olsem na ol 109 memba i mas lukluk long nem kristen na Lo bilong God, Rom 3:1-4, Lo 5:17-21.

Ol mama i tok, ol bikman i wok long soim moni long ol yangpela meri long slip wantaim, tasol mi laik tol olsem, em i sikirap o laik bilong ol yangpela meri tu. Sapos ol yet tok nogat bai ol i no inap kisim sik HIV/AIDS.

Ol AIDS Kaunsil tu i wokim kempein na soim gutpela rot bilong bihainim na abrusim dispela strongpela sik AIDS. Tasol nogat, pasin pamuk i go bikpela, na dispela i bringim namba bilong sik HIV/AIDS i go antap tru.

Mi tok olsem, sapos ol memba bilong yumi i no lukluk long lo bilong PNG yet, wantaim Lo bilong God, na ol i go kisim Lo bilong ol narapela kantri i kam, bai bagarapim sindaun bilong PNG na planti hevi bai kamap moa moa yet.

Mi ting olsem sapos Gavman i apim prais bilong ol samting olsem kopi, kakao, kopra na vanilla i go antap, ating ol yangpela bai lusim taun na go bek long ples bilong wokim bisnis.

Na dispela bai stopim ol yangpela long i go pulap long taun na tu em bai stopim pasin pamuk na sik HIV/AIDS tu bai i no inap kamap bikpela. Bikos, moni tasol na pamuk i go bikpela na sik HIV/AIDS tu namba i go antap tru.

Olsem na Gavman i noken strongim lo bilong pasin pamuk. Tingim nem kristen, em yumi man em yumi i kristen i no graun o kantri PNG.

Nogat em yumi man. Husat brata o susa i laik sapotim o agensim, rait i kam tasol long niuspepa bilong yumi ol liklik manmeri, Wantok.

**GISUNG NADUP
MUMENG
MOROBE PROVINS**

Wokim giaman kleim na kisim moni long Gavman

Dia Edita
YUPELA ol pipel bilong Sauten Hailans long Nipa Kutubu wantaim.

Yupela ol pipel bilong Nipa Kutubu Open Iektoret yupela olgeta kamap biksot long wanpela taim tasol.

Yupela save wokim kain kain giaman kleim bilong yupela na givim i go long opis bilong Gavana.

Yes gavana em i man bilong harim toktok bilong yupela na em save sainim sek tasol. Hamas tausen yupela laikim na em givim yupela.

Em orait mipela sampela ol lain long Nipa yet em ol save kolim Wasol em Mereb na Habija tasol. Mipela em opkat olgeta. Gavana Yawari yu tu save lus tingting long mipela tasol wan wan taim yu save tingim mipela.

Em orait wanbel em i stap tu na mipela save kisim liklik moni tu em aninit long nem bilong narapela lain olgeta.

Em i min olsem mipela em we mipela kam long narapela Open Iektoret o kain samting olsem. Em orait mipela man tu ya.


Mipela gat tingting na save. Wasol pipel bai stap

tasol na makim vot na makim lida bilong yupela biksot.

Mista Yawari mipela strongim tingting bilong yu liklik long dispela ol toktok bilong mipela Mereb na Hebinja pipel na autim wari wantaim.

Yu husat brata o susa laik sapotim moa long dispela yu ken rait i go long Wantok Niuspepa na bai mi ken ritim.

**ISSAC KOP
MEREV VILES
SAUTEN HAILANS
PROVINS**



Toksave: Sampela ol pas mipela i kisim i longpela tumas na i no givim spes long ol arapela pas, plis raitim liklik pas. Na tu putim nem na adres bilong yu long olgeta pas yu salim i kam, tenkyu. - Edita

Noken kisim bia long ol man nating

Dia Edita
Mi laik givim tok lukaut long ol yangpela meri husat i save go long ol nait klab long Mosbi.

No ken tru larim ol man i baim bia bilong yu nating taim yu no save long ol. Taim ol i oferim yu bia, yu mas tok nogat.

Yu yet baim bia bilong yu o ol pren yu go wantaim. Mi tok olsem long wanem, mi bin lukim wanpela meri Papua we wanpela man Hailans i wok long sautim em bia.

Em i dringim ol bia bilong man Hailans pinis na i laik i go tasol man Hailans i

blokim em. Em i ronim em long olgeta kona bilong dispela nait klab.

Sapos ol sekuriti i no bin haitim dispela meri, mi no save wanem samting bai i kamap long em.

Olsem na sapos yu nogat moni long baim bia no ken go long nait klab na parasait long ol man nogut bai yu kisim birua.

**T. BAUNSA
ERIMA
NCD**

Stail krietiv danis

Dia Edita
MI LAIK autim bikpela bel amamas bilong mi i go aut long Wantok Niuspepa long wanem mi save lukim planti krietip danis bilong Morobe i save kamaut long pepa.

Mi save kisim bikpela filings tru na mi ting olsem, hei mipela tu mas wankain olsem ol mangi bilong taun tu. Olsem na mi laik tok olsem i go long yu husat save karim video kamera na wok long kisim poto bilong ol na putim tru long niuspepa, mi laik tok bikpela tenk yu tru i kam long wok bilong yu. Mi askim yu kamera man

wanpela taim yu mekim rot bilong yu na kam daun olsem long Tewai Siassi distrik na yu pinisim Siassi, Sialum, Wasu em las ples na bai yu lukim hau ol bai krietim ol singsing long kundu na garamut.

Nogat yu na mipela i bagarapim gutpela indipendens de bilong yumi i lus nating.

**SIO LOLU
WEWAK
IS SEPIK PROVINS**

Planti pasindia tumas

Dia Edita
MI SAVE lukim kompaun bilong KCP i pulap tru long ol pasindia man na meri. Dispela kompaun em i single kwotas bilong KCP na wokman i no planti, 3-pela tasol ol i wok. Tasol pasindia i pulap tru. Ol man i wok long narapela kampani i nogat toksave long papa bilong haus ol i kam slip long laik bilong ol yet na ol meri tu wankain. Kompaun ya i luk olsem haus pasindia. Ol 3-pela wokman i save kisim taim long baim wara na lait na tu kampani i no save lukluk long ol kompaun bilong ol. Ol yangpela meri i pulap tru long singel kwotas kompaun na tu ol i save wokim nambaut long nait.

**ALBET TONI
KIKO 2
WES NU BRITEN PROVINS**

Maski apim nem bilong Maprik pipel tasol

Dia Edita
MI WANPELA alu wiren o mangi Yangkok. Mi laik sapotim tru brata ya W. Leo - Yameri Mulex, pas bilong brata ya i bin kamap long Wantok Niuspepa long Ogas 25, 2005. Brata tok bilong yu em i tru olsem na Yangkok, Lumi na Nuku i save givim bikpela hap mani i go long Is Sepik. Maprik i kisim gutpela nem bikos long kes krop bilong Sandaun provins.

Em tasol na yu husat man o meri i laik sapotim o agensim plis rait tasol long Wantok Niuspepa na bai mi i ken lukim.

**FSALUN
ALU WIREN
SANDAUN PROVINS**

Tok aut tasol long PNG, wanfamili

Dia Edita
PLIS givim mi spes long tokaut long luksave tasol. Nau yumi kisim hat taim tru. Hevi bilong bagarapim na kilim manmeri, hevi bilong kain kain sik, hevi bilong bagarapim siti taun na ples long kain kain rot i kamap long pikinini na papamama wantaim. Hevi long laikim moa mani long hait tingting bilong memba na minista bilong gavman long lukautim meri, pikinini bilong ol yet na lus tingting long yumi olgeta wanfamili bilong Papua Niugini.

Yumi no save long narapela sait olsem Australia, Amerika, Nu Silan, Malenesia na ol arapela kantri i stap long wanem kain sindaun. Ol wait man i painim yet olgeta Niugini wantaim long 200 yia 1400-1600, tasol yumi pulap long pasin bilong sakim tok, pasin bilong stopim rot bilong waitman wantaim klinpela pasin i kam long Niugini i stap longpela taim i kam abrusim 1900 na ol saveman bilong narapela kantri i kam stretim kantri bilong yumi. Olsem wanpela liklik diwai groa kam antap long gutpela graun, kisim gutpela wara na klinpela win na as bilong em i kamap naispela na kamap ples bilong bel isi na malolo. Tasol em i no bikpela yet na han bilong em i lus lus, na planti pipia pulap long dispela hap ples na i nogat wanpela man i fit long klinim dispela pipia. Tasol olgeta hetmanmeri na papa, mama, pkinini wantaim klinim dispela pipia, bai oraitim groa gen bilong dispela diwai.

Dispela em wei bilong yumi Papua Niugini stret. Ritim na mekim wei wantaim gutpela tingting na bel isi tasol.

**PETER TILINI
LAE
MOROBE PROVINS**



WANTOK KOMENTRI

PNG pasin i mas sanap strong

TRIPLELA 10 krismas bilong kantri bilong yumi i sanap long lek bilong em yet nau i kamap pinis.

Na stat long Fraide long dispela wik, program bilong makim dispela bikpela de insait long laip bilong kantri bai go het.

Papua Niugini Ivens Kaunsil, ol lain i go pas long olgeta program bilong makim dispela bikpela de i tokaut pinis olsem Fraide Septemba 9 i go inap Sande Septemba 17 em bai Independens Wik bilong kantri.

Namei long dispela taim, bik siti Pot Mosbi bai tok welkam long ol bikmanmeri bilong ol arapela kantri husat i kam long givim luk-save long yumi. Long wankain taim tu, ol program insait long wan wan provins bai go het long makim Independens.

Amamasim namba 30 krismas bilong PNG Independens nau i stap long maus bilong ol manmeri.

Wanpela arapela taim tasol we pasin bilong yuniti insait long PNG i bin strong tru em long taim mipela i bin lukautim Saut Pasifik Gems long 1991. Na narapela taim tasol we mipela i bin pilim olsem mipela i bin sanap long stat bilong wanpela bikpela na nupela laip - em taim Sir Michael Somare i bin go pas long kantri taim mipela i lusim Australia na sanap mipela yet.

Nau bai em i go pas long bungim namba 30 krismas bilong yumi.

Dispela bai skelim tu pasin na bilip bilong wan wan long yumi bilong PNG.

Maski yumi gat ol kain kain hevi i save kamap na brukim yumi, wanpela samting we i strong yet em i kalsa na pasin bilong yumi olsem ol pipel bilong PNG.

Yumi ol manmeri bilong Pasifik, na yumi ol manmeri bilong ol kain kain liklik ples, tasol long dispela kain taim, yumi olgeta i mas luk-save na strongim pasin bilong yumi olsem Papua Niugini.

I bin i gat planti arapela het tok bilong makim ol bikpela taim insait long laip bilong kantri. Na nau yumi lukim het tok bilong makim namba 30 krismas bilong kantri em: "Putim PNG i go Pas".

Em i wanpela gutpela het tok tru. Em i wanpela het tok we i mas sut stret long lewa bilong wan wan long mipela.

Lusim pasin pait, lusim pasin kros, na lusim pasin bilong bagarapim nem bilong arapela wantok. Maski em bilong Hailans, maski em bilong Niugini Ailans, Momase o Sauten.

Sapos yu gat flek bilong PNG, soim klia. Soim laik pasin long ol arapela manmeri na strongim pasin bilong PNG stret.

Sapos yumi ken strongim ol dispela kain tingting, bai yumi ken luksave olsem dispela makim bilong namba 30 krismas bilong kantri bai i no inap samting nating.

Em bai gat namba. Ol tumbuna bilong yumi husat i bin stap taim mipela i lusim kantri Australia i bin pilim stret long lewa bilong ol olsem nau mipela i man tru.

Mipela i ken pilim wankain gen.

Hepi Independens, PNG!

Lidasip i no bilong yu tasol

*Pulim stori i kam long las wik...

Tude planti lida i laik holim pawa na stap long taim long Lidasip. Dispela kain pasin em i selfis pasin na i no bihainim plen bilong God long statim na pinisim tru wok we God i makim yu long wokim. Sampela taim yu ken stap long taim na pasim spes bilong narapela Lida we inap long kamap wantaim nupela visen na tingting long helpim pipel i go moa long nupela kain laip na sindaun.

God i save makim man long mekim wok we ol arapela i no inap mekim. Em yet bai mekim wantaim helpim na save i kam long God. Na tu ol sampela gutpela kain we na pasin em i gat bai God yusim long kamapim samting we narapela i no inap long mekim. Taim yu mekim pinis dispela wok, na pinisim gut orait bai God i redim narapela man o meri ken long kisim ples

OL PRINSIPOL BILONG GUTPELA LIDA wantaim Evangelist OHARE JABERE



bilong yu na lidim ol pipel i go long nupela level gen. Olsem Moses i kisim ol pipel i go inap long mak bilong plen bilong God. Josua i kisim ol i go moa gen long kisim ples insait long plen bilong God. Wanem samting bai kamap sapos Moses i laik holim yet Lidasip? Ol pipel bai no inap muv. Ol bai stap yet long hapsait bilong Promis Land. Josua i kisim ol i go insait long Promis Land. Lidasip em i wok bilong kisim ol pipel i go o muvim ol pipel i go long nupela hap we i winim olupela kain laip na sindaun.

Lidasip i mas stap bilong wanem? Lidasip i no samting we man i holim long bilasim em yet long namba na

biknem we bai em i ken pitim gut olsem yet i go moa. As tru bilong man o meri i kamap lida em long kamapim samting na impruvim laip na sindaun bilong pipel i go long mak we yu inap long kamapim. Long kamapim sampela kain wok long inapim nid bilong ol pipel. I no bilong bosim narapela manmeri. I no bilong yu ken holim pawa na kisim gutpela samting long yu yet. Lidasip yu holim em long bai yu ken kamapim sampela kain wok i kamap ples klia. Sampela kain visen na plen bilong yu i ken kamap ples klia taim yu wok hat long implimentim ol polisis na visen bilong yu.

Na Kristen Lidasip i stap long kamapim wok

bilong God hia long graun. Bihainim laik bilong God long wok Misin na Ivanjelisim long bringim moa manmeri i kam insait long Kingdom bilong God. Long kamapim laik bilong God hia long graun. Long bringim manmeri i kam klostu long God na bai ol i ken lotu tru long em, long spirit na long pasin i tru.

WANTOK
 Published Weekly, Wednesday, for Word Publishing Company, Ltd.
 P.O. Box 1982, Boroko, NCD
 Papua New Guinea
Telephone: 325 2500
Fax: 325 2579
Email: word@global.net.pg
Pe bilong wanpela yia 52 niuspepa

Ples:	Air:
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

General Manager
Justin Hansu Kili

Editor
Neville Choi

Published by Justin Hansu Kili, MBE of Section 58, Allotment 3, Office 2, Waigani Drive.

Word Publishing Company Limited is owned by the four major churches of Papua New Guinea - Catholics 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



Ren bagarapim ples...WANPELA man Saina i ronim wilwil bilong em long wanpela rot long Hefei long Is Saina we taitwara na ren i bagarapim. Taifun Taim i paitim Anhui provins las wik Sarere wantaim bikpela ren na i kilim wanpela ten 3 (13) manmeri insait long dispela tupela provins. REUTERS/China Newsphoto

Painim ol samting...OL manmeri bilong kantri Saina tu i kisim bikpela bagarap long taifun o bikpela win na ren. Ol dispela lain i painim ol samting bilong ol i trip antap long bikpela taitwara long Wenzhou, wanpela ples insait long Is Saina. Samting olsem 10-pela manmeri i bin indai na wanpela ten 5 (15) moa i lus yet. REUTERS/China Newsphoto



NOUMEA: Nu Kaledonia autim hevi bilong sik Hepataitis

BIKPELA sik Hepataitis taip A i bagarapim kantri Nu Kaledonia nau.

Helt na Sosel Sevises hetman, Dokta Jean-Paul Grangeon i tokaut long wanpela gavman tok-save olsem long ol wik i go pinis, ol haus sik i kisim toksave olsem i gat planti yangpela pikini-ni aninit long 15 krismas i wok long kisim sik hepataitis A.

"Mipela i mas luksave nau olsem wanpela bikpela epidemik o bikpela sik i kamap insait long Nu Kaledonia," dispela bikman bilong helt i tok.

Em i tok tu olsem wanpela bikpela wok painim i tok klia olsem dispela sik i save kalap i go namel long ol manmeri.

"Long olgeta dispela kain sik i kamap, ol lain husat i karim dispela sik, em ol yangpela pikini-ni i no save wasim han bilong ol gut," Dokta Grangeon i tok.

Wanpela long ol ples we i kisim bikpela bagarap long dispela sik em ol komyuniti skul.

"Wanpela rot tasol long banis long dispela sik em long wasim han wantaim sop inap long 30 seken samting pastaim long yu kaikai, redim kaikai na skelim kaikai bihain long yu go long toilet," ol i tok.

FII: Oposisen laikim ol ileksen wasman

OPOSISEN Lida bilong Fiji, Mahendra Chaudhry i tok em bai askim Komonwel Sekretri Jenerel long salim wanpela grup long was long nesene ileksen bilong kantri we bai i kamap neks yia, 2006.

Mista Chaudhry i tok i gat planti asua i save kamap long paulim ol vot long ol ileksen i bin kamap bipo.

"Mi laik lukim olsem i mas i gat wok lukaut we ol independen atoriti i mekim bai ileksen i ken kamap fri na bai i ron stret."

Don McKinnon i bin stap long Fiji long dispela wik long sindaun long Komonwel Palamentari Asosiasen (CPA) na bai bung wantaim Mista Chaudhry.

Long wankain taim Mista Chaudhry bai askim Komonwel Sekreteriet long halivim long stopim Rekonsiliesen na Tolerens na Yuniti (RTU) bilong kamap lo insait long kantri.

"Mista McKinnon i tokaut pinis long ol toktok bilong em olsem gavman i mas tukluk long tingting bilong ol pipel long dispela bil. CPA o Komonwel i mas gat ol gutpela opisa long tok-tok strong long gavman i noken go het wantaim dispela bil nogut," Mista Chaudhry i tok.

TAHITI: Air Tahiti bai flai go long Japan

NESENEL balus Air Tahiti Nui bai no inap katim tripela balus ron bilong em i go long Tokyo taim turisim maket bilong Siapan i op stat long namba 30 de bilong mun Oktoba i go inap long namba 27 de bilong mun Mas.

As tingting bilong balus kampani em long holim yet sindaun bilong 7,056 sit long wanpela mun we ol i mas pulapim 48.6 pesen bilong ol dispela sit long mun Jun.

Air Tahiti Nui i tokaut olsem em i redi long mekim wok glasim long stretim polisi bilong ol bilong Siapan maket. Dispela maket em i namba tri maket bilong Tahiti. Balus kampani i tok tu olsem i nogat tingting long apim pei bilong balus bensin i go antap long pei bilong balus tiket maski pei bilong balus bensin i wok long go antap.

Nius i kam long PACNEWS



NOMINESEN BILONG OL 30 KRISMAS INDIPENDENS KOMEMORETIV AWOT

PAT 1:

NEM NA ADRES BILONG SPONSA/MANMERI I MEKIM NOMINESEN:

NOMINESEN I KISIM LUKSAVE BILONG WANPELA LONG OL MANMERI INSAIT LONG PAT 6 (Lukim SEKSEN 8):

Nem: _____ Siknesa o hanmak: _____

DE: ___ / ___ / ___

PAT 2:

NEM BILONG MANMERI I KISIM NOMINESEN, PLES MAMA KARIM EM, BILONG WANEM KANTRI NA ADRES:

Man
 Meri

PAT 3: SOTPELA STORI BILONG WOK BILONG EM

WOK EM I HOLIM NAU:

SOTPELA STORI BILONG WOK BILONG EM

PAT 4: NOMINESEN BILONG AWOT

- (a) Plis makim wantaim wanpela mak olsem insait long bokis:
Namba 30 Independens Anivesari Komemoretiv Medol
Bikpela wok Sevis dispela man o meri i mekim long strongim developmen bilong Papua Niugini.
Bilong Spesol Kontribusen, Strongpela pasin na bikpela wok tru
- (b) Long wanem as tru na yu tin dispela nomini i mas kisim dispela Awot yu makim antap?
Raitim long wanpela A4 pepa tasol.

PAT 5: REFRI O PEPA BILONG HUSAT I MAKIM MAN O MERI (Wanpela (1) tasol):

NEM NA POSISEN	SANAP BILONG EM	ADRES	TELEPON NAMBA

SIKNESA BILONG MAN O MERI I MEKIM NOMINESEN.....DE: ___ / ___ / ___

PAT 6: ROT BIHAINIM BILONG NOMINESEN

- Mas i gat gutpela nem insait long Komyuniti, Gavman, Politik, Bisnis na ol arapela wok.
- I save mekim bikpela wok long Developmen insait long planti wok bilong groa bilong kantri.
- I save strongim bel isi, laik pasin, ona na wanbel bilong olgeta pipel, lotu na kalsa.
- I save bihainim lo, onaim pawa bilong Gavman, Ol Lida na Komyuniti.
- Save wok strongim wankain sans bilong ol man, meri, yangpela, lapun na lotu.
- Bikpela wok long helt, edukesen, yut, agrikalsa, bus komyuniti, na ol arapela ples.
- I nogat pret na mekim bikpela wok - i nogat mak bilong krismas long dispela.
- Nominesen i mas kisim luksave bilong wanpela Wod Kaunsol, Misinari, Distrik Etmnistreta, Provinsel Etmnistreta, Hetman bilong Dipatmen, Hetman bilong Stetutori Ogenaisesen, Hetman bilong wanpela Konstitusenol Opis, Nesene Memba bilong Palamen na Sief Eksekyutiv bilong ol Kopret Bisnis.
- Olgeta nominesen i mas kisim tok orait bilong ol Distrik o Provinsel Ogenaising Komiti long namba 30 Independens Krismas Selebresen na i go long Siaman, PNG Ivens Kaunsil aninit long nem bilong Dairekta Jenerel, PNG Ivens Kaunsil Sekreteriet.

TINGIM: Man o meri i kisim nominesen i mas mekim samting bihainim ol dispela rot bihainim antap na bai kisim ol medol long strong bilong wok em i mekim tasol.

Long kisim moa tok klia long ol dispela 30 Anivesari Komemoretiv Medol, go toktok wantaim:-

PNG Events Council Secretariat
Locked Bag Service 2005
WAIGANI NCD
Papua New Guinea
Telepon : (675) 323 4255



WOL NIUS



Turangu... WANPELA mama na pikinini meri bilong em husat i bin i orait long Saiklon Katrina i sanap na krai insait long wanpela bikpela haus ol i kolim Konvensen senta long New Orleans long mun Septemba 2, 2005. Ol ami i kam insait long stretim ples long Fraide yet na nau ol i kam ol kaikai na sampela samling long helpim ol turangu husat i kisim bagarap long dispela saiklon nogut Katrina. *REUTERS/Jason Reed*



Sevim laip... OL ami soldia i pulim ol lain i bin sindaun antap long haus bilong ol taim taitwara i bin kam bagarapim ples bilong ol. *REUTERS/Pool, Stf*



Saina kisim taim... Bikpela ren na win o taim fun ol i kolim Talim i bin hamarim Is Kos bilong kantri Saina. Dispela i kamap taim bikpela ren na win i kamapim taitwara na brukim ol haus bilong ol pipel long hap. *REUTERS*



Sindaun i bagarap... PLANTI tausen turangu lain i nogat ples long stap, nogat kaikai na nogat wara i sindaun wetim halivim long wanpela bikpela spots stadium bihain long ol i ronawe lusim ples bilong ol. *REUTERS/Jason Reed*




Kaikai kam pinis... OL refuji i sanap long lain long kisim kaikai we ol soldia bilong Nesenei Gat bilong Amerika i wok long tilim las wik Fraide. Ol ami soldia i bin go kamap long siti Niu Olins (New Orleans) long skelim kaikai, wara na marasin long ol lain turangu i kisim bagarap long bikpela raun win Katrina. *REUTERS/Shannon Stapleton*



OPIS BILONG SPIKA, PAPUA NIUGINI
NESENEI PALAMEN

MIDIA STETMEN



Spika:
Hon. Jeffrey Nape, MP

**LOKOL LEVEL GAVMAN ETMINISTRESEN
(AMENMEN O SENIS) EKT 2005**

Spika bilong Nesenei Palamen, Hon. Jeffrey Nape, MP i laik toksave long pipel bilong Papua Niugini long ol senis i kamap long Ekt o lo i karamapim ol etministresen bilong ol Lokol Level Gavman. Seksen 12 bilong Prinsipol Ekt em Palamen i senisim na i printim gen bai jenerel pablik i ken klia long en.

**WANPELA EKT
nem bilong em**

Lokol Level Gavman Etministresen (Amenmen o senis) Ekt 2005,

Olsem wanpela Ekt bilong senisim Lokol Level Gavman Etministresen Ekt 1997,

we Nesenei Palamen i mekim.

**1. ILEKSEN BILONG HETMAN BILONG LOKOL LEVEL GAVMAN
(AMENMEN O SENIS BILONG SEKSEN 12)**

Seksen 12 bilong Prinsipol Ekt i senis:

- a) insait long Sabseksen (3) bihain long Paragrap (b) dispela nupela Paragrap i go insait:
 - "(c) em bai lusim opis sapos Lokol-Level Gavman, bihainim tu teds majoriti (wantaim vot bilong ol memba i gat luksave), i vot long wanpela vot i nogat bilip long em aninit long dispela seksen."; na
 - "(b) bihain long Sabseksen (3) putim ol dispela nupela Sabseksen i go insait:-
 - "(4) Wanpela mosen bilong nogat bilip ol i toktok long en insait long Sabseksen (3)(c)-em i wanpela mosen-
 - (i) we i kamap olsem wanpela mosen bilong nogat bilip long hetman bilong Lokol-level Gavman; na
 - (ii) we i no abrusim 14 de notis, na i gat hanmak bilong sampela memba bilong Lokol-Level Gavman, em i bihainim ol Sending Oda bilong Lokol-level Gavman; na
 - (iii) i makim wanpela arapela memba bilong Lokol-level Gavman, husat i gat sans long winim ileksen long kamap hetman bilong Lokol-level Gavman long kamap nupela hetman bilong Lokol-level Gavman; na
 - (b) i no inap kamap-
 - (i) namel long dispela 18 mun bihain long ileksen bilong hetman bilong Lokol-level Gavman; o
 - (ii) namel long dispela 6-pela mun pastaim long namba 5 krismas bilong de ol i makim bilong kisim bek ol rit bilong bipo jenerel ileksen bilong ol memba bilong ol Lokol-level Gavman."
 - "(5) Ol rot bilong bihainim bilong wanpela mosen bilong nogat bilip olsem i stap insait long Sabseksen (3)(c) bai i mas i stap klia insait long ol Standing Oda bilong Lokol-level Gavman."

1. RIPIL o RAUSIM

Dispela Lokol-Level Gavman Etministresen (Amenmen o Senis) Ekt 2004 em nau i raus pinis.

Dispela lo antap i kisim tok orait na luksave bilong Klak bilong Palamen na Spika, Hon. Jeffrey Nape, MP long namba 16 de bilong mun Ogas, 2005.

Dispela midia stetmen i go aut bihain long kain kain askim i kam long ol Hetman bilong ol Lokol-Level Gavman na ol arapela lain. Ol lain husat i go pas long etministresen o wok karimaut bilong Ekt i mas tingim tu ol senis long lo bai wok bilong ol Lokol-Level Gavman i ron gut.

Tok Orait bilong go aut long Nius Midia:

HON. JEFFREY NAPE, MP
Spika bilong Nesenei Palamen na
Memba bilong SinaSina/Yongomugi

Lewa bilong Oeka stap wantaim Lili flaua bilong Balimo

PIKSA long kaset karamap bilong nupela albam bilong em i soim em olsem Arnold Schwarzenegger i opim han bilong em. Em Robert Oeka i sindaun soim 5-pela pinga bilong wanpela han i makim namba 5 albam bilong em we em i autim long mun Julai i kam yet long ples Gogodala, Western Provins.

Em i namba 5 albam bilong em, tasol em i no lusim yet nem bilong em olsem man i save singsing bilong Hollie Maea.

Robert Oeka nau i wok long promoting nupela albam bilong em. Em i no rekodim long CHM Supersounds, tasol em i rekodim long Swamp Sauns Studio long Balimo insait long Midel Flai distrik.

Mi bin raitim stori long dispela nupela studio sampela taim i go pinis, na nau i gutpela long mi stori long wanpela narapela gutpela stori bihain long em i wok 12-pela mun nau.

Robert yet i tok olsem em i amamas long rekodim albam bilong em wantaim dispela nupela studio, long wanem i givim sans long em long toktok na givim skul long ol yut, sumatin na ol arapela musik manmeri bilong Midel Flai Distrik.

Biknem bisnisman na mamba bilong palamen, Roy Biyama em i bosman bilong Swamp Sauns Studios na bikpela sponsa bilong nupela albam bilong Robert, nem bilong em Water Lily Bilong Balimo. Long dispela albam i gat ol bikpela nupela singsing na sampela bipo singsing we bipo biknem musik man Basil Blitz Greg yet i stretim.

"Maski Balimo i stap long we tru long ol arapela ples. Insait long dispela wanpela rot taun, i gat bel isi na laip em i stap wan wantaim bus, graun na wara," biknem musik man bilong Kerema i tok. "Na yu ken stap olsem yu stap long siti, tasol i nogat hevi."

Roy Biyama, Minista bilong Leba na Industri Rilesens, na meri bilong em Joyce i kisim kasen brata bilong em Robert long go sanapim SSS wantaim Blitz Greg yet.

Misis bilong Minista em i kasen susa bilong Robert na em i tok bai gutpela long kisim brata bilong em long strongim nem bilong nupela studio.

Bikpela wok Robert i mekim long albam Water Lily Bilong Balimo, i strongim bilip bilong em long lukautim bus, graun na wara.

Em yet i tingting long go bek long ples lokea long Galp provins long promotim wanpela bikpela ston i stap aninit long solwara we i luk



olsem mep bilong kantri Australia. Tasol ol saveman bilong glas long Pot Mosbi i tokim em olsem dispela solwara we dispela ston i stap em i gutpela long glas long em long mun Novemba tasol taim em ples i no bagarap.

Oeka i singsing long ol wara lili i save groa insait long ol ples tais bilong Midel Flai Distrik we i pulap long kain kain abus na kain kain flaua we i save givim ol Gogodala pipel gutpela kaikai i kam long ol ples tais.

"Bikpela singsing long dispela albam i strongim laik bilong gutpela laip bilong ol Gogodala pipel na sapot bilong mi long rot bilong ol long noken bagarapim ol gutpela samting mama graun i givim ol," Robert i tok. "Singsing i stori long laip insait long ples tais, ol pisin, ol bataflai, ol pis, sikau na dia na dispela kain samting mi laik lukautim na banisim gut".

Robert i tok em i save mangalim stret ol Gogodala pipel long gutpela pasin bilong ol we wok bilong painim abus em i bikpela samting long ol tru. Ol i save go painim mit na ol wel pisin na go long wara long pulim ol kindam, pis na baramandi.

"Yu bai ting olsem ol dispela lain husat i save go painim kaikai bilong olgeta lain famili long ples bai kilim nating ol abus, tasol nogat.

Olsem ol tumbuna bilong ol i save mekim, ol i save kilim abus inap long mak bilong ol yet long kaikai na liklik hap moa bilong salim long kisim liklik mani," Robert i tok. "Ol Gogodala

pipel em ol save lain tru long lukautim bus, graun na wara bilong ol."

Singsing One Way Town em i wanpela spesol dedikesen i go long Roy Biyama na famili bilong em long strongim spirit bilong ol Balimo pipel na i soim klia luksave bilong Robert long dispela sans ol i givim em long mekim wok long strongim musik insait long Midel Flai Distrik na Western Provins.

"Biyama famili i mekim bikpela wok tru bilong dispela taun na ol pipel long hia we ol i karim ol bikpela divel-



OEKA: Laik bilong laip bilong ol Gogodala pipel em i bikpela tru.

"tasol mi mas givim tok lukaut long yu long karim ol samting bilong slip. Sapos yu gat ol save lain o famili long Balimo, noken wari."

Maupa Mai, we em i raitim bilong tingim brata bilong em i dai pinis, Larry Naime. Singsing Poi Mafu Mori em singsing bilong givim luksave long ol pipel bilong lokea long Galp provins, Enga Enda we Joseph Lakane i raitim em Robert i singsing na senisim wanpela bipo Galp string ben singsing, Sare Faita Foromai we em na Basil i bin stretim gen wantaim pairap bilon tude na ol i givim wanpela tekno bit na putim sampela hap bilong singsing long tok inglis.

"Long olgeta yia mi rekodim musik mi no save singsing long tok ples Gogodala o long tok ples Enga, tasol long dispela albam mi singsing long kain kain tok ples olsem Fane, Toaripi, Orokolo, Enga, Tok Pisin na mi givim liklik long tok Inglis tu, man, mi mas wanpela hap man tru long tok ples ya," em i tok na lap wantaim.

Long mekim dispela albam i kamap, Robert i askim Minista na kasen susa bilong em Joyce long kam long Pot Mosbi, em i askim ol musik man Oscar Kari long holim lid gita, Teddy Ilau, yangpela bilong ol Ilau Brata Peter na Wamsi long pilai drams, Garry Vaibua i pulim bes gita na Madu Wabadaia i singsing bekap.

Ol arapela poroman bilong em husat i halivim long raitim ol singsing em Joe Lakane, husat i givim singsing Enga Endo, Jack Forova i raitim Maupa Mai, na brata bilong em Joe na Eddie Boy i wok bung long raitim Dubu Baia, bihain Frank Hao i givim singsing A-Mori-E, na Basil yet i raitim musik bilong singsing bilong Robert, Water Lily Bilong Balimo.

Olgeta i bin go long Swamp Sauns Studios long mun Oktoba tas yia long rekodim 10-pela singsing long dispela albam na ol i no

kam bek inap mun Novemba.

"Basil, husat i bin statim studio, i wok hat tru long dispela albam na mi amamas na tok tenkyu long em long kamapim wanpela gutpela albam tru," Robert i tok na givim ami salut long em. "Em i namba wan taim we mipela i wok bung long dispela kain samting na i kamap ples klia long gutpela wok mipela mekim long wanem pairap bilong musik em i klia stret."

Namba 4 albam bilong em we i bin kamaut long 2003 taim em i bin wok sait boi bilong PMV kar bilong papa bilong em na ol i save karim ol pasindia long Hiritano Haiwe namel long Pot Mosbi na Malalaua.

"Em i bin gutpela sans long mekim wok namel long ol rekoding bilong mi long wanem mi bin bungim planti ples manmeri long haiwe, na em i gutpela taim ol i save pinis long yu. Mi bin laikim tru."

Dispela yangpela manki husat i bin stat mekim musik nau i tingting strong long kisim wanpela laisens bilong draiv na go bek long ples long halivim PMV bisnis bilong papa bilong em.

"Taim mi wanpela liklik manki tasol long ples, mi bin go long wanpela fan resing pati we ples ben bilong mipela i bin pilai, tasol selebren i no bin stat long wanem lit singa i no bin kamap," Robert i tingting bek. "Ol pipel i bin kamap skin les olsem na ol i singaut long husat man inap sensing na mi apim han bilong mi long singsing wanpela singsing tasol....ol i kisim mi nau na olsem ol i save tok, olgeta samting bihain, nau i kamap histori tasol.."

Robert Oeka bai wok-about i go bek long CHM Supasauns studios long pinis bilong dispela yia long singsing long rekoding bilong namba 12 albam bilong Hollie Maea we bai kam aut long namba wan hap bilong 2006.



NAMBA 5: Kaset kava bilong nupela solo albam bilong Oeka.

opmen na sevis olsem na ol pipel i no save wari tumas long peim bikpela mani long go long ol taun na siti bilong kisim ol samting ol i laikim," Oeka i tok long kasen susa na tambu bilong em. "Sanapim bilong SSS (Swamp Sauns Studios) em i wanpela developmen we bai i stap long taim long helpim ol yut long soim strong bilong ol long musik."

Em i tok Balimo em i wanpela naispela na gutpela ples long go raun lukim,

Long lukluk bilong Robert, Balimo Taun bai kamap wanpela naispela ples moa yet taim Minista i sanapim wanpela ges haus bilong ol lain i raun i go lukim. Ol bai inap go painim abus wantaim ol ples manmeri na amamsim laip na gutpela pasin bilong ol Gogodala pipel.

Ol arapela singsing long albam we em i lukim olsem bai i gat bikpela namba em namba wan singsing bilong ples Fane, Dubu Bala,

Raun wantaim Kanage olgeta wik

GAID

EM TV

9/8/05

5.29AM STATION OPEN
5.30AM G JOYCE MEYER
6.00AM G TODAY SHOW
6.00AM G CREFLO DOLLAR
6.00AM G CLASSROOM BROADCAST
Primary & Secondary Classroom Teaching and Learning through TV Programs
9.30AM G Personal Development
Grade 6 - Making A Living
10.10AM G Social Science
11.50AM G Social Science
12.40PM G Mathematics
1.30PM G Physics rebroadcast
KIDS KONA
2.30PM G JAY JAY THE JET
3.00PM G NEW MACDONALD'S FARM
3.30PM G HI-5
4.00PM G HOT SOURCE
4.30PM G PARALLAX
4.57PM G EMTV TOK SAVE
5.00PM G THE PRICE IS RIGHT
5.30PM G TEMPTATION
6.00PM G NATIONAL EMTV
6.30PM G A CURRENT AFFAIR
6.57PM G NEWS UPDATE IN TOK PISIN
6.59PM G LOTTO DRAW
7.00PM G CHM SUPER SOUND
7.57PM G TOK PIKSA
8.00PM G SPORT SCENE
9.30PM M NFL FOOTY SHOW
11.00P M AFL FOOTY SHOW
1.00AM EMTV PRIME TIME LINE UP

9/9/05

5.29AM STATION OPEN
5.30AM G ENJOYING EVERY DAY LIFE with JOYCE MEYER
6.00AM G CREFLO DOLLAR
6.00AM G CLASSROOM BROADCAST
Primary & Secondary Classroom Teaching and Learning through TV Programs
9.30AM G Personal Development
Grade 6 - Making A Living
10.10AM G Social Science
11.50AM G Social Science
12.40PM G Mathematics
1.30PM G Physics rebroadcast
KIDS KONA
2.30PM G JAY JAY THE JET
3.00PM G NEW MACDONALD'S FARM
3.30PM G HI-5
4.00PM G HOT SOURCE
4.30PM G PARALLAX
4.57PM G EMTV TOK SAVE
5.00PM G THE PRICE IS RIGHT
5.30PM G TEMPTATION
6.00PM G NATIONAL EMTV
6.30PM G A CURRENT AFFAIR
6.57PM G NEWS UPDATE IN TOK PISIN
6.59PM G LOTTO DRAW
7.00PM G CHM SUPER SOUND
7.57PM G TOK PIKSA
8.00PM G SPORT SCENE
9.30PM M NFL FOOTY SHOW
11.00P M AFL FOOTY SHOW
1.00AM EMTV PRIME TIME LINE UP

9/10/05

5.29AM STATION OPEN
5.30AM G ENJOYING EVERY DAY LIFE with JOYCE MEYER
6.00AM G CREFLO DOLLAR
6.00AM G CLASSROOM BROADCAST
Primary & Secondary Classroom Teaching and Learning through TV Programs
9.30AM G Personal Development
Grade 6 - Making A Living
10.10AM G Social Science
11.50AM G Social Science
12.40PM G Mathematics
1.30PM G Physics rebroadcast
KIDS KONA
2.30PM G JAY JAY THE JET
3.00PM G NEW MACDONALD'S FARM
3.30PM G HI-5
4.00PM G HOT SOURCE
4.30PM G PARALLAX
4.57PM G EMTV TOK SAVE
5.00PM G THE PRICE IS RIGHT
5.30PM G TEMPTATION
6.00PM G NATIONAL EMTV
6.30PM G A CURRENT AFFAIR
6.57PM G NEWS UPDATE IN TOK PISIN
6.59PM G LOTTO DRAW
7.00PM G CHM SUPER SOUND
7.57PM G TOK PIKSA
8.00PM G SPORT SCENE
9.30PM M NFL FOOTY SHOW
11.00P M AFL FOOTY SHOW
1.00AM EMTV PRIME TIME LINE UP

11.00PM G PRAISE EMTV PRIME TIME LINE UP

12MIDNIGHT

5.30AM G JOYCE MEYER
6.00AM G TODAY SHOW
6.00AM G CREFLO DOLLAR
6.00AM G CLASSROOM BROADCAST
Primary & Secondary Classroom Teaching and Learning through TV Programs
9.30AM G Personal Development
Grade 6 - Making A Living
10.10AM G Social Science
11.50AM G Social Science
12.40PM G Mathematics
1.30PM G Physics rebroadcast
KIDS KONA
2.30PM G JAY JAY THE JET
3.00PM G NEW MACDONALD'S FARM
3.30PM G HI-5
4.00PM G HOT SOURCE
4.30PM G PARALLAX
4.57PM G EMTV TOK SAVE
5.00PM G THE PRICE IS RIGHT
5.30PM G TEMPTATION
6.00PM G NATIONAL EMTV
6.30PM G A CURRENT AFFAIR
6.57PM G NEWS UPDATE IN TOK PISIN
6.59PM G LOTTO DRAW
7.00PM G CHM SUPER SOUND
7.57PM G TOK PIKSA
8.00PM G SPORT SCENE
9.30PM M NFL FOOTY SHOW
11.00P M AFL FOOTY SHOW
1.00AM EMTV PRIME TIME LINE UP

5.29AM STATION OPEN
5.30AM G JOYCE MEYER
6.00AM G TODAY SHOW
6.00AM G CREFLO DOLLAR
6.00AM G CLASSROOM BROADCAST
Primary & Secondary Classroom Teaching and Learning through TV Programs
9.30AM G Personal Development
Grade 6 - Making A Living
10.10AM G Social Science
11.50AM G Social Science
12.40PM G Mathematics
1.30PM G Physics rebroadcast
KIDS KONA
2.30PM G JAY JAY THE JET
3.00PM G NEW MACDONALD'S FARM
3.30PM G HI-5
4.00PM G HOT SOURCE
4.30PM G PARALLAX
4.57PM G EMTV TOK SAVE
5.00PM G THE PRICE IS RIGHT
5.30PM G TEMPTATION
6.00PM G NATIONAL EMTV
6.30PM G A CURRENT AFFAIR
6.57PM G NEWS UPDATE IN TOK PISIN
6.59PM G LOTTO DRAW
7.00PM G CHM SUPER SOUND
7.57PM G TOK PIKSA
8.00PM G SPORT SCENE
9.30PM M NFL FOOTY SHOW
11.00P M AFL FOOTY SHOW
1.00AM EMTV PRIME TIME LINE UP

8.00AM G PLANET FANTASY
8.00AM G GOODSPORTS
8.30AM G SO FRESH
8.30AM G WORLD OF WILDLIFE
12NOON G SCHOOL BOYS RUGBY LEAGUE - QUARTER FINAL 4
1.00PM G MY PROVINCE, MY COUNTRY
4.30PM G THE BOAT SHOW
5.00PM G ESCAPING WITH ET
5.30PM G AUSTRALIA
6.00PM G NATIONAL EMTV NEWS
6.30PM G RUGBY LEAGUE 2nd QUALIFYING FINAL
8.30PM G RUGBY LEAGUE 3rd QUALIFYING FINAL
10.30PM G AFL 2nd SEMI FINAL
1.30AM EMTV PRIME TIME LINE UP

7.25AM "STATION OPEN"
7.25AM G EMTV TOK SAVE
7.30AM G WORLD OF WILDLIFE
8.00AM G SUNDAY
10.00AM G US OPEN TENNIS: WOMEN'S FINAL
12NOON G SUNDAY FOOTY SHOW
1.00PM G MY PROVINCE, MY COUNTRY
3.00PM G THE WORLD'S STRONGEST MAN RUGBY LEAGUE 4th QUALIFYING FINAL
6.00PM G NATIONAL EMTV NEWS
6.30PM G ICE DISCOVERED
7.30PM G EMTV TOK SAVE
8.27PM G SUNDAY NIGHT MOVIE: TWO WEEKS NOTICE
10.30PM G EMTV NEWS REPLAY

(2002) Comedy/Romance - A lawyer decides that she's used too much like a nanny by her boss, so she walks out on him. Stars: Sandra Bullock, Hugh Grant.
G EMTV NEWS REPLAY

30th INDEPENDENS I KAM KLOSTU NA KANAGE EM PRAKTIS LONG GO DANIS LONG BIKPELA DE STRET...

TUPELA DE STRET EM PAIRAPIM KUNDU BILONG EM...

BOOM!! BUTUM!! BOOM!!

ARIOOBAALE EE-EAAA-RIOOBALEE AHHH!!

LONG NAMBA TRI DE EM PRAKTIS LONG DANIS NA SING-SING BILONG EM...

LONG NAMBA FOA DE, OL NEKS DUA I LES PINIS LONG NOIS BILONG EM...

GO LONG STEDIUM NA PRAKTIS LONG HAP! MIPELA LES PINIS!!

BOINK!!!

IINAP!! MIPELA LAIK SILIP TU, YAH!! GX!!?

CATHOLIC RADIO

103.5 FM

<p>6.00 - ANGELUS 6.05 - MEDITATION/INSPIRATIONAL MUSIC 7.00 - VATICAN RADIO WORLD NEWS 7.15 - VATICAN ENGLISH PROGRAM 7.35 - NON-STOP GOSPEL MUSIC 8.00 - JOURNEY HOME (EWTN) 9.00 - VATICAN RADIO WORLD NEWS 9.15 - VATICAN ENGLISH PROGRAM 9.40 - KIDS SING-ALONG 10.00 - CATHOLIC JUKEBOX 10.30 - GOSPEL MUSIC 11.00 - NON-STOP GOSPEL MUSIC 12.00 - ANGELUS 12.05 - VATICAN WORLD NEWS 12.20 - VATICAN ENGLISH PROGRAM 12.40 - REFLECTION MUSIC 1.00 - LAMB'S SUPPER WITH DR. SCHOTT HAHN 2.00 - MUSIC 3.00 - CHAPLET OF DIVINE MERCY 3.20 - NON-STOP GOSPEL MUSIC 4.00 - CATHOLIC JUKEBOX (EWTN) 4.30 - NON-STOP GOSPEL MUSIC 5.00 - JOURNEY HOME 6.00 - ANGELUS 6.05 - MADANG LOCAL NEWS 6.10 - VATICAN ENGLISH PROGRAM 6.30 - LAMB'S SUPPER WITH DR. SCHOTT HAHN 7.00 - HOLY ROSARY 7.30 - CATHOLIC INSIGHT 8.00 - VATICAN WORLD NEWS 8.15 - MADANG LOCAL NEWS 8.30 - VATICAN ENGLISH PROGRAM 9.00 - TOK STREET LONG HVAIDS 10.30 - VATICAN ENGLISH PROGRAM</p>	<p>6.05 - SUNDAY EUCHARIST (replay) 7.00 - HOLY ROSARY 7.30 - CATHOLIC INSIGHT 8.00 - VATICAN WORLD NEWS 8.15 - VATICAN ENGLISH PROGRAM 8.40 - IN THE LORD'S VINEYARD 10.00 - NON-STOP GOSPEL MUSIC</p> <hr/> <p>6.00 - ANGELUS 6.05 - MEDITATION / INSPIRATIONAL MUSIC 7.00 - VATICAN WORLD NEWS 7.15 - VATICAN ENGLISH PROGRAM 7.35 - NON-STOP GOSPEL MUSIC 8.00 - BEST OF JOURNEY HOME 9.15 - VATICAN ENGLISH PROGRAM 9.35 - KIDS SING ALONG 10.00 - CATHOLIC JUKEBOX (EWTN) 10.30 - NON-STOP GOSPEL MUSIC 12.00 - ANGELUS 12.05 - VATICAN WORLD NEWS 12.20 - VATICAN ENGLISH PROGRAM 12.40 - AFTERNOON REFLECTION MUSIC 1.00 - THE WAY TO FOLLOW JESUS 1.30 - GOSPEL MUSIC 3.00 - CHAPLET OF DIVINE MERCY 3.20 - NON-STOP GOSPEL MUSIC 4.00 - CATHOLIC JUKEBOX (EWTN) 4.30 - NON-STOP GOSPEL MUSIC 5.00 - MESSAGE IN MUSIC 6.00 - ANGELUS 6.05 - VATICAN ENGLISH PROGRAM 6.30 - MANY FACES OF MARY 7.00 - HOLY ROSARY 7.30 - BENEDICTION 8.00 - VATICAN WORLD NEWS 8.15 - CRN LOCAL NEWS 8.30 - VATICAN ENGLISH PROGRAM 9.00 - BEST OF JOURNEY HOME 10.00 - CATHOLIC JUKEBOX (EWTN) 10.30 - VATICAN ENGLISH PROGRAM 11.00 - NON-STOP GOSPEL MUSIC</p>	<p>6.00 - ANGELUS 6.05 - MEDITATION/INSPIRATIONAL MUSIC 7.00 - VATICAN WORLD NEWS 7.15 - VATICAN ENGLISH PROGRAM 7.35 - NON-STOP GOSPEL MUSIC 8.00 - RADIO ST. JOSEPH PRESENTS 9.00 - VATICAN WORLD NEWS 9.15 - ENGLISH PROGRAM 9.35 - KIDS SING-ALONG 10.00 - CATHOLIC JUKEBOX 10.30 - NON-STOP GOSPEL MUSIC 12.00 - ANGELUS 12.05 - VATICAN WORLD NEWS 12.20 - VATICAN ENGLISH PROGRAM 12.40 - REFLECTION MUSIC 1.00 - OUR FATHER'S PLAN 1.30 - AFTERNOON GOSPEL MUSIC 3.00 - CHAPLET OF DIVINE MERCY 3.20 - NON-STOP GOSPEL MUSIC 4.00 - CATHOLIC JUKEBOX (EWTN) 4.30 - NON-STOP GOSPEL MUSIC 5.00 - WAVE FACTOR (EWTN) 6.00 - ANGELUS 6.05 - VATICAN ENGLISH PROGRAM 6.30 - FATIMA 7.00 - HOLY ROSARY 7.30 - STATIONS OF THE CROSS 8.00 - VATICAN WORLD NEWS 8.15 - CRN LOCAL NEWS 8.30 - VATICAN ENGLISH PROGRAM 9.00 - TOK STREET LONG HVAIDS 10.00 - CATHOLIC JUKEBOX 10.30 - VATICAN ENGLISH PROGRAM 11.00 - NON-STOP GOSPEL MUSIC</p>
---	---	--

YUMI FM NATIONAL WEEKLY HITPARADE

September 2, 2005

Singsing	Musik Atis	Dispela Wik
Maten Kandiek	Twin Hoks of Kavieng	1
Queen 4 Lane	Leonard ft Anslom	2
Rosie Marara	Sharzy	3
Sorpending	Twin Hoks of Kavieng	4
Uve Gema	Saba	5
Keliu Ngala	Saba	6
Mi Nao	Sharzy	7
Keli Ngala	Sharzy	8
Pondo Kando	Nangu Slave	9
Mangi Sirisiri	Sebeats of Sepoe	10
Tei Kariko	Sebeats of Sepoe	11
Lala Tora	Sebeats of Sepoe	12
Malako	Twin Hoks of Kavieng	13
Ase	Leftovers	14
Pamusa	Saba	15
Much Love	Justin Wellington	16
Pondo Kando	Nangu Siaves	17
Raramani	Gedix	18
Boina Tuna	Twin Hoks of Kavieng	19
Sore Lewa	Sharzy	20



Bisnis bilong Groim Diwai insait long PNG - Planim diwai long ol renfores eria

Rot bilong groim ol spisis diwai i save groa insait long PNG

Calophyllum euryphyllum (kalophilum)



Flaua bilong Kalopitum.



Lip bilong em.

Nem bilong en: kalopitum

Ples we em i save groa: I gat samting olsem 190 spisis bilong kalopitum i kam long ts Afrika, Madagaska, ts Indis, tropikel Amerika, Indonesia na Papua Niugini.

Insait long Papua Niugini, dispela diwai i gat 50 spisis samting. Calophyllum euryphyllum i stap long olgeta hap bilong noten PNG wantaim Bismak Akipegago na ol Aru Ailan. Em i stap long ts na Wes Sepik, Sentral, Milen Be, ts na Wes Nu Briten na Nu Ailan provins wantaim Umbol Ailan long Morobe. Long Manus Ailan, 50% bilong ol diwai em kalopitum, na em i save groa long ol kain kain graun. Spisis i save laik groa insait long graun we i nogat planti wara tumas long en. Em i save groa long mak 650 mita antap long mak bilong solwara.

Wanem kain diwai: Em i wanpela namel i go inap bikpela diwai we longpela bilong em i save inap namel long 20 na 30 mita wantaim namel bilong em i save groa i go inap long 100 sentimita. Ol flaua i save groa wan wan o tu tu na i save kamap antap. I save gat namel long 5 na 15 flaua. Ol flaua i gat man na meri wantaim.

Taim bilong em long flaua: Em i save flaua tupela taim long wanpela yia, na em namel long Jutai na Septemba na bihain namel long Novemba na Desemba. Gutpela karim bilong ol sid i save kamap olgeta tupela yia. Sid i save pundaun 4-pela mun bihain long em i karim flaua.

Long bikpela bilong em, prut i save pundaun lusim diwai. Prut bilong em i gat strongpela skin bilong em na strongpela skin bilong pikinini bilong

Kisim sid na redim bilong planim: Ol sid i save bikpela long pinis bilong mun Januari i go inap long mun Mas bihainim ples ol i groa long en. Olsem long Manus, em i save karim flaua long Januari na Februari; Siassi long mun Mas na Epril. Sapos yu inap, kisim prut long het bilong diwai stret na i no long graun. Yu mas putim ol dispela prut insait long ol kontena i ken kisim win olsem ol kopra bek, na larim i stap long ples i nogat san tumas.

Long rausim mit long ol sid, yu ken yusim wara na rausim wantaim han pastaim long yu draim ol sid anit long ples kol.

Rot bilong holim i stap: Sid bai no inap holim strong bilong em i stap long taim. Yu mas planim sit kwik taim bihain long yu buppim ol. Wara insait long sid inap long 68%. Yu ken holim gut sapos yu putim ol sid insait long sodas we hot bilong em i stap namel long 3 na 6 digri sentigred.

Wok Neseri: Yu ken planim sid wantaim mit bilong em. Em i ken kru hariap tu. Samting olsem 5-pela de pastaim long em i stat. Ol sidling i save kru namel long 3 na 4 mun, we em bai inap long rausim long neseri na groim insait long graun.

Rot bilong yusim: Kala bilong diwai em i pink na braun i go long ret braun. Kalopitum em ol i save yusim diwai bilong em olsem plua bot, samting bilong mekim simen insait long en, yusim insait long haus, mekim ol self na plua bilong veranda.

McCARTHY & ASSOCIATES (FORESTRY) PTY. LTD.
National & International Forest Consultants
mccat@datec.net.pg

"Long kisim tok stia long olgeta wok diwai"



James Kila i raitim
ARAVA, wanpela balus bilong PNG Difens Fos i pinisim wok bilong en pinis long karim kopi i go aut long ples Itokama insait long bus bilong Oro provins.

Ol i bin mekim ron bilong balus i go insait long bus ples bilong Itokama las wik na bihain ol i muv i go olsem long Aragip na Agaun ples insait long Milen Be provins. Dispela wok ol ami i bin wokim i bin gutpela tru.

Ol lain bilong ami i bin hatwok tru long karim kopi long balus bilong ol i go aut long dispela ples we i stap longwe tru insait long bus. I nogat rot i go long Itokama na planti taim ol lain kopi fama long dispela hap i

save painim hat taim tru long kisim moni long helpim sindaun bilong ol long ples.

Las wik dispela Arava balus bilong ol ami i bin karim moa long wanpela ten tri (13) tan kopi bilong ol lain fama bilong Itokama i go aut long maket. Tru tumas dispela kopi sapos em i stap yet long bus em bai bagarap na turangu ol dispela lain fama bai i no inap kisim moni long helpim sindaun bilong ol long ples na komyuniti bilong ol.

Ol lain CIC na ami husat i mekim dispela wok i skelim olsem taim ol dispela lain fama i salim dispela 13 tan kopi bilong ol, ol bai kisim samting olsem moa long K80, 000. Dispela moni bai go bek stret long dispela bus komyuniti long Itokama.

Dispela ami balus em bikpela bilong em i ken kisim samting olsem wanpela tan kopi. Spes insait long balus inap tu long karim wanpela liklik jip o kar bilong ami. Dispela balus i gat moa strong na pawa bilong en.

Las wik pilot bilong balus, Kepten Albert Tagua wantaim Kepten James Pima i bin flaim dispela balus i go kam long Itokama na karim kopi bilong ol lain fama i go long Girua ples balus long Popondeta.


Long Girua ol sampela wokman bilong Kopi Indastri i bin stap wantaim kar na karim ol dispela kopi i go long Popondeta taun we ol bai skelim gut na putim insait long kontena na salim i go long fektori long Lae.



GO LONG MAKET NAU: Ol Itokama ples manmeri i lotim kopi bilong ol long Difens Fos Arava balus long karim i go long maket.

Cat D3G, D4G, D5G, Track-Type Tractors

Rugged construction, outstanding reliability - everything you expect from Caterpillar and more!



Outmanoeuver every job you tackle.

A single lever joystick controls speed, direction and steering on Cat® "G" Series III Hystat Track-Type Tractors. Full powerturn capability is made possible by maintaining power to both tracks at any ground speed or turning radius.

- **Power Train** - Offering powerful six-cylinder Cat® 3046 engine that provides the power you expect from Cat tractors, and the productivity you need to increase your profitability.
- **Undercarriages** - Undercarriages are rugged with strong, durable components for long wear life and lower costs.
- **Operator Stations** - Excellent visibility down to the cutting edge, ergonomically designed controls and fully adjustable armrests for optimum comfort and productivity.

Hastings Deering



PORT MORESBY
Phone: 300 8300
Fax: 325 0141

LAE
Phone: 472 2355
Fax: 472 1477

TABUBIL
Phone: 548 9045
Fax: 548 9155

RABAUL
Phone: 982 1244
Fax: 982 1129



PACIFIC BEAT

Pipel i agensim rausim bilong bisnis man

BOGENVIL:

WANPELA grup long Bogenvil i wokim wanpela petisen long traim stopim rausim belong wanpela bisnis man belong Esia. Petisen ya i sapotim Wally Seeto husat i pikinini bilong Sainaman tasol maima i karim em long yia 1952 long Buin, Saut Bogenvil. Em i marit long wanpela asples Bogenvil meri. Otonomes Bogenvil Gavman i kamapim lo na wokim ol bisnis long ailan.

Husat i Askim: Caroline Tiriman
Husat i Bekim: Aloysius Laukai, Bogenvil Bisnis man

TIRIMAN: Mista Seeto em wanpela long ol bisnis man belong Esia ol bin odaim las wik long lusim ailan. Em bin stap long Bogenvil longpela tam inap taimBogenvil hevi i go nogut an em i lusim ailan klostu long pinsi belong 1980's. Ol sapota bilong Mista Seeto i no klia watpo ol atoriti i tokim em long go. Ol i tok em i gat graun long Bogenvil. An aninit long Seksen 7.1 an 7.2 long mama Lo belong nupela Otonomes Gavman, em inapim ol rikwaiamen long kamap pemenem residen belong Bogenvil. Buka bisnis man Aloysius Laukai i tok oda long rausim em long ailan i brukim lo.

LAUKAI: Em bin lusimBogenvil long tam bilong hevi bikos olgeta man i ronawe. An em i lusim olgeta samting bilong em bihain long ailan. maritim wanpela meri Buin. Mipela i sapotim gavman tasol tasol ol i mas sekim ol bisnis man bilong Esia i operet yet long Bogenvil. I gat sampela yet we ol larim ol i stap wok yet.

Mipela i tok ol i noken lukim Wally olsem wanpela man Esia. Maski tupela papamama i belong Esia, mama i bin karim em long Buin. Olsem wanpela bisnis man, em wokim planti samting, planti kastom pasin wok we i mekim em i kamap asples tru bilong Bogenvil. Mama Lo 7.1 bilong Otonomes Bogenvil i tok Bogenvil man em mama i karim em long ailan ol i kisim em i go insait long famili o wanpisin o em i marit i go long Bogenvil yet. Olsem an mipela i no wanbel.

TIRIMAN: Mista Laukai i tok tru, ol i sapotim operesen belong gavman long rausim ol bisnis man i no bihainim lo na ol i wokim bisnis long ailan, em i klia olsem Mista Seeto i no wanpela bilong ol dispela kain lain.

LAUKAI: Mipela i lukim em olsem. Mi tu mi wanpela bisnis man na mi lukim tu olsem. Em i no gutpela long gavman i holim olman wantaim nogat kot oda. Bikos ol i kisim ol imigresen lain i kam an mi toktok long wanpela bilong ol. Em i tok olgeta pepa belong em i stret. Ol i orait.

TIRIMAN: Mista Seeto i stap yet long Buin, maski ol i odaim em long lusim ailan an go long las wiken. Na ol sapota bilong emi singautim gavman long tingting gut na wokim gutpela disisen.

LAUKAI: Mipela i tok sapos gavman i strongim long Wally i mas lusim Bogenvil, ol i mas larim em long salim ol samting bilong em na lusim Bogenvil. Sapos em i lusim Bogenvil an ol kago samting bilong em i stap yet, mipela i laik save lose dispela man i givim oda i mas ansa long ol samting em i mekim.

WOL NIUS

Australia Foren minister i tok i gat 5-pela Australia pipel i lus yet long New Orleans

FOREN Minista bilong Australia, Alexander Downer i tok, i gat 5-pela pipel bilong Australia i lus yet nau - bihain long bikpela raun win Katrina i bagarapim siti New Orleans long Amerika las wik.

Tasol, Mista Downer i tok, ol konsula opisa bilong Australia i bin i nap long painim narapela man Australia Ashley McDonald - krismas bilong en tripela ten (30) bilong Melbourne, Victoria.

Em i tok ol i bin painim Mista McDonald long wanpela motel long Baton Rouge.

Wanpela poroman husat i bin stap long hotel i tokim em olsem em i stap long hotel, na em i no stap long hotel yet olsem na mipela i bilip olsem mipela bai inap toksave olsem Ashley McDonald i stap orait.

British Prait Minista kamap long New Delhi

PRAIM Minista bilong Briten Tony Blair i go kamap pinis long New Delhi long holim tupela de toktok wantaim wanwok blong em blong India, Manmohan Singh.

Tupeka kantri i redi long holim namba 6 miting blong European Union long India bihain long Mista Blair i bin givim tok sori blong em i go long Mahatma Ghandi long wanpela memorial bilong India indipenden lida long New Delhi. Dispela lukluk i hap blong Mista Blair long senis olsem presiden blong European Union.

Mista Blair i bin bungim pinis ol lida blong Saina long Beijing long tupela de toktok, we ol i lukluk long tred na investment.

Strongpela taifun hamarim saut westen Japan

WANPELA strongpela taifun nau i wok long hamarim saut westen Japan, na kamapim ol taitwara na graun bruk, na i givim heve long trenspot na komyunikesen.

Ol i tok, wanpela-ten tri pipel i dai pinis o i lus yet na long wankain taim wanpela ten nain i kisim bagarap long bodi bilong ol.

Ol opisel i givim toksave i go long moa long 100, 000 pipal i lusim ol haus bilong ol long Kyushu na long Sikoku ailan em i stap klostu.

Kyodo nius ejensi i ripot olsem, moa long 16,000 pipel i lusim ol haus bilong ol long laik bilong ol yet na i go aut pinis.

Polis i tok, wanpela meri i bin dai taim em i bin pundaun lusim wanpela pasindia sip na faipela i wok long lus yet aninit long graun i bruk.

Kyodo i ripot olsem, wanpela ten faif ol narapela i kisim bagarap.

Samting olsem 270,000 pipel i no gat pawa long haus bilong ol.

Taifun Nabi i wok long muv i go long not na spit bilong em i sanap long 20 kilomita long wan hua, tasol ol i tok em bai senisim ron i go long is na i go antap long nambis na bai i givim moa hevi long planti hap bilong kantri insait long sampela de i kam.

RADIO TOK PISIN PROGRAM TUNE IN: 101.9 FM

Radio Australia Tok Pisin Program - stat long mun Mas 2005

MANDE Moring	
6AM	Stesen Op - Nius Hetlain - Musik na ol intaviu
6.30AM	Nius na Karen Afeas
7AM	Stesen Pas
Nait	
7PM	Stesen Op
7.01PM	Ol Hetlain na Program Priviu
7.15PM	Spots
7.30PM	Nius na Karen Afeas
8PM	Heit
8.15PM	Musik
8.30PM	NIUS
8.40PM	Spots Riplei
8.55PM	Musik
9PM	Stesen Pas
TUNDE Moring	
6AM	Stesen Op - Nius Hetlain - Musik na ol intaviu
6.30AM	Nius na Karen Afeas
7AM	Stesen Pas
Nait	
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Mama Graun
8.15PM	Musik/Spots
8.30PM	NIUS
8.40PM	Heit Riplei
8.55PM	Musik
9PM	Stesen Pas
TRINDE Moring	
6AM	Stesen Op - Nius Hetlain - Musik na ol intaviu
6.30AM	Nius na Karen Afeas
7AM	Stesen Pas
Nait	
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Focus
8.15PM	Musik/Spots
8.30PM	NIUS
8.40PM	Mama Graun Riplei
8.55PM	Musik
9PM	Stesen Pas
FONDE Moring	
6AM	Stesen Op - Nius Hetlain - Musik na ol intaviu
6.30AM	Nius na Karen Afeas
7AM	Stesen Pas
Nait	
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Youth
8.15PM	Musik/Spots
8.30PM	NIUS
8.40PM	Focus Riplei
8.55PM	Musik
9PM	Stesen Pas
FRAIDE Moring	
6AM	Stesen Op - Nius Hetlain - Musik na ol intaviu
6.30AM	Nius na Karen Afeas
7AM	Stesen Pas
Nait	
7PM	Stesen Op - Ol Nius Hetlain/Program Priviu
7.05PM	Musik na Chit Chat
7.30PM	Nius
7.40PM	Wantok
8PM	Lokal Ben
8.30PM	Nius
8.40PM	Musik/Chit Chat
9PM	Stesen Pas
SANDE Nait	
7PM	Stesen op - Ol Nius Hetlain/Program Priviu
7.05PM	Musik na Chit Chat
7.30PM	Nius
7.40PM	Femili Blong Serah (Radio Plei)
8PM	Lukluk Bek Long Wik
8.30PM	Nius
8.40PM	Musik/Chit Chat
9PM	Stesen Pas

TOKSAVE YU KEN HARIM RADIO AUSTRALIA TOK INGLIS LONG 24 AJA 7 DE LONG WANTOK

Pacific BEAT

Listen to Radio Australia 101.9FM Port Moresby

4, 5, 6am & 4pm, 5pm including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

**SOKA
POT MOSBI SOKA
ASOSIESEN**

Fainel pilai
Sarere Septemba 10, 2005
Bisini 1
08:00 Maset vs KG Utd D3 S/F
09:30 Badili Utd vs Mungka-Y2 U21 P/F
10:40 Mungkas vs Cellnet D1 S/F
12:00 Yawata vs M/Yarangs D3 S/F
13:20 Guria vs Naniu D1 S/F
Bisini 2
08:00 Verave vs Tarangau D2 P/F
09:30 University vs LBC Defence U21 P/F
10:40 Souths Utd vs LBC Defence W1 P/F
12:00 Telkom vs University WP P/F
13:20 Souths Utd vs PS Rutz Prem P/F

Sande Septemba 11, 2005
Bisini 2
09:30 Loser S/F 1 vs Winner SF 2 D3 P/F
10:40 Loser SF 1 vs Winner SF 2 D1 P/F
12:00 Souths Utd vs PS Rutz PR P/F

**EVADAHANA SOKA
ASOSIESEN**
Nain (9) MAIL
Sarere Septemba 10, 2005

ESA 1
08:00 K-T Mahnduz vs AGM Roots meri
08:40 Kilengs vs Gee Neps Res
09:20 Wasu Crabs vs Simbai Utd meri
10:00 Texas vs K-Imindos meri
10:40 Nalas vs Namagawi Res
11:10 Gara Utd vs D-Rats meri
11:50 BS Natives vs D-Rats Res
12:40 Siale vs Gala Konok D1
13:20 Gee Neps vs Junctionb meri
14:00 Gara Utd vs Sulu D1
ESA 2
08:00 Siale vs Gaidi Utd meri
08:40 Batisalem vs Natare meri
09:20 Liwale vs Gala Konok Res
10:00 Nen Konok vs Sapphire meri
10:40 Namagawi vs Graveside meri
11:10 Graveside vs Gaidi Utd Res
11:50 Kilengs vs Gee Neps D1
12:40 Country Roots vs Kilengs meri
13:20 Liwale vs Finka. D1

Sande Septemba 11, 2005
ESA 1
08:00 Junction vs Nen Konok meri
08:40 Namagawi vs Simbai Utd meri
09:20 Siale vs Texas Res
10:00 Kilengs vs Natare meri
10:40 Country Roots vs Gara Utd meri
11:10 Finka vs Natare Res
11:50 Siale vs Batisalem meri

12:40 Names vs Natives D1
13:20 D-Rats vs Texas D1
ESA 2
08:00 Wasu Crabs vs Graveside meri
08:40 D-Rats vs K-Imindos meri
09:20 Sulu vs Junction Res
10:00 Gee Neps vs K-Top Manhduz meri
10:40 Names vs Gara Utd Res
11:10 Sapphire vs Gaidi Utd meri
11:50 Graveside vs Natare D1
12:40 Texas vs AGM Roots meri
13:20 Namagawi vs Gaidi Utd D1
14:00 Nalas vs Junction D1
Toksave i go long tim bilong ol meri olsem bai yupela i gat tupela gem long dispela wiken raun 16 na 17.

ORO VILES SOKA
Sarere Septemba 10, 2005
07:30 Zandas vs Tamata MB
08:20 Kumusi vs Bokoro MB
09:10 Songe vs Beda MB
10:00 Hillside vs Papas MB
10:40 Saipex vs Mamas meri
11:20 Zandas vs Songe meri
12:10 Diwune vs Ottas MB
13:00 Asumnaiyes vs Tufi Fjords MB
13:50 Saipex vs Hillside MA
14:40 Kumusi vs Bokoro MA
15:20 Asumnaiyes vs Songe meri
16:00 Diwune vs Ottas MA

Sande Septemba 11, 2005

07:30 Ehe Kombu vs Papas MB
08:20 Saipex vs Hillside MB
09:10 Mambus vs Tamata meri
10:00 Mamas vs Tufi Fjords meri
10:40 Musa vs Ormilats MB
11:20 Mambus vs Pongoros MB
12:10 Zandas vs Tamata MA
13:00 Songe vs Beda MA
13:50 Ehe Kombu vs Papas MA
14:40 Musa vs Diwune meri
15:20 Mambus vs Pongoros MA
16:00 Asumnaiyes vs Tufi Fjords MA
16:50 Musa vs Ormilats MA

**NUPELA ERIMA SPOT
ASOSIESEN**
Sarere Septemba 10, 2005
Tas ragbi- man
08:30 Sharp Rats vs Mad Dogs
09:20 Top Town Casino vs FTM Slaves
10:10 Moitaka Cowboys vs Gende Rocks
11:00 Hidden Red Crocks vs Golf Spiders
11:50 Maus Rot Crocks vs Mt Eagles
12:40 Wild Cats vs Nane Tigers
1:30 289 Top Street vs Inner Circle Dragons
2:20 Out Cast Raiders vs Observers
3:10 NYC Fire Safe vs 5 Mile Animals
soka- meri

12:00 JS Warriors vs 21 Red Heads
12:50 Sharp Rats vs FTM Slaves
1:40 289 Top Street vs Inner Circle Dragons
2:30 NYC Fire Safe vs Nane Tigers

Sande Septemba 11, 2005
Tas ragbi- man
08:30 JS Warriors vs 21 Red Heads
09:20 Silver Stones vs Katimo Panthers
10:10 Gateway Rabbitohs vs Megusa Crushers
11:00 K Roosters vs Border Panthers
11:50 Cinamax Blues vs S/ Eels
12:40 Hillstone Spiders vs Flames
1:30 Boom Gate Jets vs N/ Dogs
2:20 Taxi Base vs BO Hunters
3:10 Loose Parlets vs J/ Kongos
4:00 Southern Sons vs 5 Mile Crushers
Soka- meri
12:00 Boom Gate Jets vs 38 Specials
12:50 Taxi Base vs BO Hunters
1:40 Loose Parlets vs Jiwaka Kongos
2:30 Kindino Sisters vs Megusa Crushers
3:20 Silver Stones vs Young Stars



YU INAP? Wing difenda bilong Telsta i leit liklik long pasim pilai bilong Paramana long Pot Mosbi netbol long Rita Flynn Kot. Telsta win.



YU LAIK GO WE? Brothers Andrew Norman i tok taim em i katim rot bilong Kone Tigers pilai long Pot Mosbi ragbi lig las Sande we Brothers i win.



YU KAM: Meri nogut bilong Telikom i putim was long bal tasol difenda bilong WMI tu i laikim long Pot Mosbi meri soka long Bisini soka graun las Sarere.



HUSAT LAIKIM: Harlequins i kam bek strong egensim Royals long win na go insait long POM ragbi yunion gren fainol egensim University Piggies long dispela wiken.




NRL NIUS

AUSTRALIA



ABRUSIM: Braith Anasta (daunbilo), Australia pilaia husat i save kisim bikipela mani na Luke Priddis husat i gat bikipela nem bilong stap long Australia tim em nem bilong ol i no stap long trening swkat we bai pilai long ol Tes pilai insat long Trai Nesen pilai. Tasol nem bilong tupela i stap long Australia Praim Minista 13 we ol i bai pilai wantiam PNG Presiden long Septemba 18 long Pot Mosbi. Tasol ARL sif eksekutiv opisa Geoff Carr i tok maski nem blong ol i no stap long swkat ol bai makim yet sampela pilaia bilong Praim Minista 13.



PRAIM MINISTA 13: Siaman bilong Australia Ragbi lig Collin Love long dispela wik i bin tokaut long nem bilong ol pilai husat bai stap long tm na pilai wantim Presiden we bilong Papua Niugini long Pot Mosbi long Septemba 18. Dispela i no wanpela Tes pilai tasol bilong amamasin 30-ya bilong PNG Indipendens. Ol pilaia em Clinton Schifocfske, Amos Roberts, Ryan Cross, Reni Maitua, Shannon Hegarty, Braith Anast, Brett Finch, Ben Ross, Luke priddis, Stgeve Price, Luke Ricetson (kepten), Clint Newton, Ashley Harrison, Kurt Gidley, John Sutton, Chris Flanner na Anthony Tupou.

Kwalifaing fainol

Fraide, Septemba 9- Tigers vs Cowboys. Yu ken lukim long EMTV long 8.30 long nait.



**Sarere, Septemba 10 - Storm vs Broncos
Dragons vs Sharks**

Sande, Septemba 11 - Eels vs Sea Eagles. Yu ken lukim dispela long EM TV long 4:00-6:00 avinun.



GO LONG INGLAN:

Andrew Johns, maski bagarap em i kisim long lek bilong em Johns nau 31 krismas i redi tasol long go long Ingran na pilai wantiam Warrington Klub insait long Ingran Supa Lig pilai. Em i kisim bagarap long las wik Sande taim tim bilong em Newcastle Knights i go daun long St George Illawara Dragons 36-28 long pilai bilong ol. Tasol bikipela pen em i wok i traim long abrusim tasol i kisim em traipela spun em bikipela brata bilong em Matthew Johns na narapela pilaia Reg Reagan i givim em taim em i go long Eapot long kisim balus na go long Ingran. "Dispela em liklik presen bilong yu long go long Warrington. Goan pikini-ni mi laik yu go," Reagan i tok taim em i givim spun long Johns long Newcastle i kamap las long 2005 NRL kompetisen.



ASUA: Carl Webb (daunbilo), Not Kwinsten Orijin na Parramatta fevoret Fufui-Moimoi bai abrusim ol fainol pilai bilong dispela wiken bihain long ol i kisim ol sas long mekim ol takol nogut long ol pilaia bilong narapela ol tim taim ol pilai wantiam ol long las wiken.



GO ANINIT LONG NAIP:

Justin Hodges (han kais) husat i gat bikipela laik tru long pilai na husat wankain olsem wan pilaia bilong em Shane Webcke i laik ol dokta i mas hariap long stretim skru bilong em long taim ol i go insait long kwalifaing fainol wantiam Storms long dispela Sarere. Hodges i tok em i kisim nupela strong taim em i lukim Webcke i kamap orait hariap na pilai wantiam Broncos egensim Parramatta Eels we ol i lus.

Long taim ol dokta i stretim Webcke ol i tok em bai kisim olsem tupela o tripela wik long kampa orait tasol Webcke i kamap orait. "Em i wanpela strongpela man," Hodges i tokpilai. Tasol dispela i tru long wanem long lukim man i kisim wanpela wik tasol long kamap orait na kam bek long pilai i bikipela samting.

Hodges, 23, husat i pilai long senta i tok: "Mi bai lukim Peter (Meyers- dokta) na save wanem samting em bai tok long en." "Mi hop ol samting i no bagarap olgeta," em i tok. "Mi no save wanem kain hevi i kamap long lek bilong mi na mi no save sapos em bai kisim sampela taim bipo long mi kamap orait." "Mi no bin inap long wokabaut taim mi pilim pen long taim bilong pilai tasol nau mi orait long wokabaut."



NRL Poin Lata (after rnd 26)

Klab	P	W	D	L	B	P/D	Pts
1. Eels	24	16	0	8	2	248	36
2. Dragons	24	16	0	8	2	145	36
3. Broncos	24	15	0	9	2	113	34
4. West Tigers	24	14	0	10	2	101	32
5. Cowboys	24	14	0	10	2	76	32
6. Storms	24	13	0	11	2	176	30
7. Sharks	24	12	0	12	2	-14	28
8. Sea Eagles	24	12	0	12	2	-78	28
9. Roosters	24	11	0	13	2	1	26
10. Panthers	24	11	0	13	2	0	26
11. Warriors	24	10	0	14	2	-13	24
12. Bulldogs	24	9	1	14	2	-196	23
13. Rabbitohs	24	9	1	14	2	-218	23
14. Raiders	24	9	0	15	2	-141	22
15. Knights	24	8	0	16	2	-200	20

* P: Pilai, W: Win, D: Dro, L: Lus, B: Bye, P/D: Poin Diferens, PTS: Poin

Top 10 poin skora


Pilaia	Tim	Poin
1. Brett Hodson	Sharks	250
2. Luke Burt	Eels	196
3. Preston Campbell	Panthers	190
4. Hazem El Masri	Bulldogs	180
5. Luke Covell	Sharks	180
6. Matt Orford	Storms	162
7. Stacey Jones	Warriors	147
8. Clinton Schifcoske	Raiders	142
8. Michael Witt	Sea Eagles	136
10. Darren Lockyer	Broncos	133

MALOLO: Ben Creagh, St George Illawara Dragons bekrowa i luk olsem bai i no inap long pilai long tripela wik olgeta bihain long em i kisim bagarap long skru bilong em taim ol Dragons i pilai wantiam Newcastle Knights long las Sande we ol i win 36-28.

Dispela i min olsem em bai abrusim planti ol bikipela pilai we namba wan bilong dipela ol pilai em taim ol kisim Cronulla Sharks long dispela Sarere nait.


Tasol gutpela long Dragons olsem Orijin senta Matt Cooper bai kam bek long pilai bihain long em i kisim malolo long wankain hevi em Creagh i gat long en.

Na long ol Sharks em ol i winim tasol foapela pilai stat long raun 11. Na sampela biknem pilaia bilong ol olsem Hutch Maiava na Jason Steven tu bai i no inap long kamap tu long hevi long sol bilong ol.



BAI KAMAP:

Stacey Jones Kepten bilong Niu Silan Kiwis na Niu Silan Warriors husat bai lusim Niu Silan na go long Frans long pilai wantiam Les Catalans Klub insait long Ingran Supa Lig i tokaut long NZRL olsem em i orait long stap long Kiwi tim na kamap long tupela Tes pilai ol bai pilai wantiam Australia.



PNG bai bekim dinau

Paul Zuvani i raitim

PNG Pukpuks i gat bikpela wok long dispela Sarere long lukim ol i bekim dispela dinau bilong ol Cook Ailan long namba wan IRB Wol Kap pilai bilong ol long Cook Ailan las wiken.

Long dispela taim ol Pukpuk i go daun long Cooks 37-12. Nau ol Cook bai kam na pilai long PNG. Ol i mas mekim gut sapos ol i kamap long Frans 2007 Wol Kap pilai.

Na kosa Billy Rapilla bai mas redim gut ol pilaia bilong em long bungim ol Cooks.

Long taim ol i lus long ol Cooks Rapilla i tok: "Mipela i gat bikpela rum long hapim mak long wei mipela i bin pilai long en."

"Long taim mipela i pilai wantaim ol Cooks planti taim mipela i paul long wanem samting mipela i mas mekim taim mipela i nogat bal. Dispela i mas senis." em i tok.

"Mipela i mas muv na stopim ol Cooks. I no sanap na lukluk tasol.

"Moa yet pasin bilong lusim bal nating i mas pinis. Em i bikpela samting long mipela i mas lukautim gut bal.

"Ol manki i lus long wanem ol i mekim planti asua long lusim bal. Long taim we ol i mas kisim poin ol i bin mekim ol asua.

"Mipela bai mas senisim olgeta wei em mipela i pilai long en." Ol Cook Ailan i gat nem long win long hap graun bilong ol na



Foto: ANDREW MOLE

PUTIM GUT: Pukpuk pilaia i no wari sapos birua i kam long taim ol i pilai wantaim Vanuatu tupela wik i go long Pot Mosbi we ol Pukpuk i win.

olsem ol i bihainim wankain mak long winim ol Pukpuk long graun bilong ol. Tasol askim nau i stap sapos ol Pukpuk inap long bekim dispela kain pasin na winim ol long graun bilong ol yet? Nau yet

Rapilla i no tok klia sapos i gat senis long lain ap bilong en na sapos i gat senis long posisen long ol pilaia bilong em. Tasol em i gat bilip long ol na olsem em i tok ol i mas pilai strong moa long wei ol i bin pilai long Cook Ailan.

"Mi hop olsem mipela i mas skoa pas na skruim yet mak bilong mipela. Em i gutpela mipela i lainim sampela samting long ol Cook na dispela i mekim mipela long glasim gut gen wei mipela i pilai long em," Rapilla i tok.

Faipela ol 6-pela pilaia bilong Cook Ailan i save pilai yunion long Niu Silan na dispela i bikpela sapot long tim bilong ol tasol Rapilla i tok em i luksave long ol na olsem em bai mekim olgeta samting long stopim ol. Sapos ol i win bai ol Pukpuk bai bungim Tonga, narapela strongpela Saut Pasifik ragbi yunion tim olsem Fiji.

I luk olsem lain ap bilong Pukpuk long dispela wiken bai stap olsem: Carl Hoot, Anthony Pangkatana, Willie Rikis (kepten), Willie Petalie, Limu Willie, Alex Haija, Joel Koel, Juluis Taunao, Keith Puaria, Raymond Romalus, Christopher Hogi, David Camilus, Otto Livia na Douglas Guise. Ol risev em Reah Henao, Juneless Makeu, Jason Gilai, Mekman Luke, Peter Opa, George Hoki na Gina Ponda.



TRAI: Ol Pukpuk i bung wantaim na putim wanpela trai i go insait.

Kwin Baton kam long PNG

Paul Zuvani i raitim

LONG olgeta kantri long graun PNG i namba wan, Papua Niugini Gavana Jenerol Sir Paulias Matane i tok taim em i lonsim wokabout bilong Komenwel Kwin Baton long kantri long Papua Yot Klub long Tunde dispela wik.


Em i tok em i amamas long PNG i wanpela Komenwel kantri we em i stap long wanpela bikpela famili.

"Kain grup i gutpela we yumi gat planti poroman na planti manmeri i save long yumi," Gavana Jenerol Sir Paulias Matane i tok.

"Sapos yumi nidim samting i gat planti poroman long go long ol," em i tok.

"Spot i wanpela gutpela mak o samting we i yumi bung na kam save long planti ol arapela manmeri. Mi askim olgeta manmeri long kamap gutpela spotmanmeri we yumi ken kamapim gut nem olsem Marcus Bai (ragbi lig)."

Na PNG Spot Federesen ogenaisng komiti siaman Tamzin Wardley i tok dispela Baton o Stik bai lusim Brisbane, Australia na kam long kantri long Oktoba 9 na bai raun long Pot Mosbi, Lae,



BUMARENG: Kwin Baton we bai raun long PNG long Oktoba dispela yia

Goroka na Rabaul na bai go bek long Brisbane long Oktoba 14.

"Long Goroka ol Asaro madmen bai bungim em, em bai go daun long Lae na long Lae em bai go long Rabaul we ol Baining paiaman bai amamasim em. Bihain em bai kam long Pot Mosbi we em bai pul long ol Lakatoi na ol kanu bilong Motu," Wardley i tok.

Ol Ogenaisa i tok Baton bai ron o wokabout aninit long nem bilong Kwin na i karim ol toktok bilong Kwin bilong Inglan we Papua Niugini i wanpela Komenwel kantri.

Dispela baton em tumbuna pasin bilong ol Komenwel Gem we dispela stik i stat long Komenwel Gem long Cardiff, Wales long Inglan long 1958. Ron o wokabout bilong Baton i save kamap olgeta foapela yia na i save stat long kantri we ol pilai i

bin kamap las taim na go long kantri we bai holim long dispela taim. Na olsem las taim ol i holim long Manchester, Inglan long 2002 na dispela taim ol bai holim long Melbon, Australia long Mas 15 olsem tasol dispela baton i stat long Manchester na wokabout long ol Komenwel kantri na go long Australia.

Ol opisel i tok dispela em i namba wan taim em baton i raun long olgeta 71 Komenwel Gem. Long dispela yia ol saveman bilong Australia i mekim Baton i luk olsem bumareng bilong ol Abrojinel bilong Australia.

Moa yet dispela baton i gat pawa we em i ken kisim na soim piksa bilong man husat i karim, sapos em i wokabout o ron na wanem hap o kantri em dispela baton i stap long em. Em i namba wan taim tu em kain samting i kamap.

PNG presiden 13/Aussie PM 13 bai bung

Paul Zuvani i raitim

PAPUA Niugini Ragbi Futbol Lig i tokaut long nem bilong PNG Presiden 13 we bai pilai wantaim Australia Praim Minista 13 long wanpela amamas pilai long sampela taim long dispela mun.

Dispela skwat em PNRGRFL selekting komiti i makim bihain long ol pilaia long ol tim bilong SP Kap pilai na Nesenel Jon tim i bin kamap long Pot Mosbi long las wik Sande.

Presiden 13 wantaim Praim Minista 13 bai bung long Pot Mosbi long Septemba 18 long amamasim 30-yia Independens Anivesari bilong PNG.

PNG Presiden 13 pilaia em Menzie Yere, Ganet Auwo, Chris Purkikil, Francis Ray, Lerory Muriki, Keith Peters, Stanley Hondina, Leroy Day, Charlie Wabo, Rodney Pora, Joseph Omae, Aaron Mulunga na Johnson Kuike.

Ol risev em Eki Ene, Channel Aquila, Jessie Alunga, Simon Tonge, Randal Kaupa na Jessie Joe.

Long wankain taim Australia Ragbi Lig i makim tu Praim Minista 13 skwat bilong ol. Skwat bilong ol em: Clinton Schifcofske, Amos Roberts, Ryan Cross, Reni Maitua, Shannon Hegarty, Braith Anasta, Brett Finch, Ben Ross, Luke Priddis, Steve Price, Luke Ricetson (kepten), Clint Newton, Ashley Harrison, Kurt Gidley, John Sutton, Chris Flanner na Anthony Tupou. Long ol biknem pilaia bilong Australia olsem Anasta na Priddis husat i no stap long tren on skwat bilong Kangaroo tim i mekim planti manmeri i kirap nogut. Tasol ARL eksekutiv opisa Geoff Carr i tok long nem bilong tupela i no stap dispela i no min olsem tupela i nogat sans olgeta. Nogat "Ol i gat sans yet bihain long ol i pilai long Praim Minisat 13," Carr i tok.



HOLIM GUT: AFL PNG Pot Mosbi skul boi eksen



Ol foto: ANDREW MOLEN

SORI TUMAS: Lawrance Lahari bilong Saints i laik ron-amwe long Chariots pilaia long CBL pilai.

Harlequins bai lukluk long kisim 11 primiasip

Andrew Molen i raitim

HEBOU Pot Mosbi Harlequins bai i lukluk long kisim namba 11 primiasip taitol bilong long dispela wiken tasol University Piggies husat bai i bungim ol i gat narapela tingting i stap.

Ol Harlies i paitim we bilong ol i go bek insait long gren fainol bihain long win bilong ol egensim Royals las wik.

Long wik bipo ol i bin lus long University husat nau i go pas na wet i stap long gren fainol.

Win bilong ol Harlies i no kam isi long wanem sampela gutpela pilaia bilong ol i no pilai. Ol i stap long nesanel tim we i bin go pilai long Cook Ailan na pilai wantaim ol long las wiken. Dispela i lukim Royals i givim ol hat taim tasol ol i pait kam bek gut na win.

Klostu long pinis bilong gem, referi i stopim pilai na go ausait long fil wantaim presiden bilong Pot Mosbi Ragbi futbol union bihain long ol sapota bilong Royals i singaut na mekim ol pret toktok i go long referi we i lukim em i givim gem i go long Harlies.

Ol sapota i belhat long dispela na ron i go insait long fil long ronim na paitim ol Harlies.

Ol i tromoi ol botol bia i go insait long fil makim ol Harlies na sampela botol i paitim ka bilong ol lain i kam was long gem.

Bihain liklik ol trabol manmeri i pinis tasol nogat man i kisim bikpela bagarap.

University i lukim hatpela ron wantaim ol sinia pilaia bilong ol i stap long nesanel tim tasol ol i pilai wantaim wankain paia ol pilai wantaim long stat bilong sisen na dispela i



YUMI GO: POMRFU presiden Emmanuel Narokobi i wokabout wantaim tupela opisel i go aut bihain long ol sapota bilong Royals i pretim ol opisel bikos ol i no amamas long Harlequins i win.

lukim ol i go isi. Taim ol i bung wantaim Harlies long semi fainol, ol i win wantaim 19-17 skoa olsem na long dispela gren fainol bai ol manmeri i ken lukim wanpela strongpela gem i kamap namel long dispela tupela strongpela tim. Harlies i holim taitol bilong POMRFU taim ol i winim Wanderers las yia na dispela yia bai ol i lukluk long holim bek taitol bilong ol olsem ol i mekim planti taim bipo.

University long las yia i tusim sans bilong ol taim ol i givim gem bilong ol i go long Defence bihain long sampela bikhet pasin namel long ol sapota i kamap we i mekim gem bilong ol i no pinis gut.

Dispela yia University i no givim sans na i lukim ol i wet tasol long pinis sisen wantaim gutpela mak. Long wankain tingting ol Harlies tu i sambai long difenim sil.

Hap hap nius

Nogat rejista nogat pilai: Kepa

OL tim husat i no pinisim afiljesen fi bilong ol wantaim Evahadana Soka Asosiesen bai i no inap kamap long pilai long 2006 sisen, presiden Patrick Kepa i tok. Em i tok dispela long wanem ol i no gutpela pasin sapos ol narapela tim i baim na dispela ol soka tim husat i no baim i kamap nating na pilai. Moa yet ol i no laik givim hevi long asosiesen long husat tim i no rejista. Em i tok lukaut tu long ol tim na pilaia husat i save kamapim ol pait na bagarapim ol samting em ol opisel bai rausim poin bilong ol long lata maski ol i kamapim ol gutpela pilai. "Yupela ol tim na pilaia i mas rispektim ru! bilong referi. Em i kontrolim pilai," Kepa i tok. Long ol pilai yet Kepa i tok i ol fainol bai kamap long Oktoba samting. Dispela em 7-pela pilai i stap yet. Na long em i mekim dispela toktok presiden i givim tok amamas bilong em long ol opisel long lukautim na kamapim ol gutpela pilai maski sampela samting i bin hat long ol. Long poin lata bilong divison wan i lukim tripela top tim em Elewale i go pas wantaim 25 poin, Finka 25 na Sulu 24. Na divison tu em K Emunus wantaim 26 poin, Nankonok 25 na Kantri rutz 23 na divison 3 em K Emunus wantaim 28 poin, Wasu Craps 25 na K Tops Manus 24. Long divison bilong ol meri em Kileng 32, Gaidi United 26, K. Top Madus 25. Long sait bilong ol meri Kileng i stap antap. Kileng i gat representativ pilai olsem Lydia Barnabas husat i go pas long helpim ol long pilai gut. Ol narapela lain husat i helpim em long kamapim ol gutpela pilai em Gidea Zango, Cathy Mek na Delma Gauga. Long tok ples Waing Boana, Morobe Provins nem "kileng" i min "bagarap."

Narapela profesinol kikboksa

Andrew Molen i raitim

PAPUA Niugini i gat wanpela moa profesenol kikboksa nau bihain long Stanley "Head Hunter" Nandex.

Eugene Mosina bilong Otonomes Bogenvil i bin pait wantaim biknem paitman Gurkan Ozkan husat i bin winim wol sempion taitol sevenpela taim pinis na i bin winim Mosina long seken raun long pait bilong tupela long Melboun, Australia long las wik.

Mosina i pait wantaim Ozkan bihain long man husat em i mas pait wantaim i no bin kamap.

Nandex husat i kisim Mosina i go pait i tok em i lus long Ozkan long seken raun tasol em i winim tes bilong em we i lukim promot,

Tarik Solak i amamas na i tok em i kwalifai olsem wanpela profesenol kikboksa nau.

"Eugene i amamasim ol promot na long dispela em i kamap olsem profesenol nau na ol bai stat long painim ol pait bilong em," Nandex i tok.

"Eugene i pait gut tru bilong wanem Ozkan em i wanpela sempion paitman husat i gat planti ekspirians na planti taim em i save nokim ol man long fes raun tasol, Eugene i strong na i go long raun tu olsem na em i pasim tes bilong em," Nandex i tok.

Em i tok tu olsem Mosina bai i go daun gen long Oktoba 1 long wanpela pait moa long Melbon na Sidni long Novemba 7.

Long dispela taim tu bai i gat

wanpela bikpela resis i kamap ol i kolim "PNG vs. Australia" we bai i lukim ol kikboksa bilong Australia bai i brukim bun wantaim ol paitman bilong PNG long Oktoba 1 long Melbon na Novemba 5 long Sidni.

Long wankain taim Nandex yet i amamas long win bilong em egensim Ngnaku Spine bilong Nu Silan long Melbon las wik.

Nandex i autim tiket bilong Spine long seken raun long faiv raun pait bilong tupela.

"Dispela win i mekim mi kwalifai long pait long Dubai long Novemba 5," Nandex i tok taim em i kamap long Jackson's ples balus long Pot Mosbi las wik.

Em i tok tu olsem em i lukluk long nau long kamapim namba tu

wol taitol pait bilong em hia long PNG.

"Man mi lukluk long bungim long dispela wol taitol pait em bai seven-taim sempion, Gurkan Ozkan hia long Pot Mosbi," Nandex i tok.

Long wankain taim em i tok aut olsem dispela namba faiv Nesenol Kikboksing sempionsip long Lae we i mas kamap long Septemba 2 i go inap long 4 em ol i surukim i go long Septemba 16 i go long 18, Independens wiken.

"As bilong dispela em long bikpela ren long Lae siti we i lukim wara i bagarapim ples bilong pait olsem na ol i givim taim long rausim ol pipia na tarim ples i drai liklik pastaim," sif bilong PNGKBA, Nandex i tok.

Garaina holim Muingnepe sil

Paul Zuvani i raitim

TERIZE na Au bai kamap gen long traime bun long Muingnepe soka sil, Morobe provins taim tupela i kamap long dispela wik long pait long difenim na strongim ples bilong ol long tonamen.

Terize i winim dispela sil long las yia gren fainol taim em i winim Au long divison bilong ol man. Long dispela taim sil i bin ron aninit long narapela nem.

Tasol dispela yia stat long dispela wik i go inap long 2007 sil bai ron aninit long nem bilong lokel MP John Muingnepe husat i tokaut long sponsaim ol prais bilong dispela tonamen inap long

2007. Tonamen kodineta John Kalo i tokim Wantok spot olsem inap olsem 32 soka tim bilong ol man na meri bai traime dispela sil taim ol i pilai long Independens wik.

Sampela bilong ol tim em Terize na Au bilong Garasa, Raimania bilong Garaina, Maru bilong Varia, Atipe, Aro (Garasa), Sare (Papua Warrior), Saniwa na Gara bilong Garaina.

Na mani mak bilong ol prais long win i go antap long K1940.

Wina bilong ol man bai kisim Muingnepe Sil wantaim K300 prais mani, namba tu bai kisim K250 na namba tri na foa ples bai kisim K150 na K100. Long ol meri

wina bai kisim Muingnepe Sil wantaim K200 prais mani, namba tu, tri na foa ples bai kisim K150, K100 na K80.

I gat prais bilong ol narapela samting olsem ol tim husat i pilai gut we i no kamapim bel hevi long pilai na prais bilong wanwan ol ples insait long tim olsem gutpela gol kipa i go inap long skora, gutpela tim menesa, kepten, kosa na referi.

Ol pilai bai stat long Fraide Septemba 9 i go inap long Fonde Semptemba 15. Fraide 16 em i Independens De na ol amamas bilong dispela de.

Kalo i tok long ol tim husat i laik Tunde dispela wik i bin las de

bilong ol tim husat i laik nominet na pilai. Em i tok dispela tonamen i wok long kamap bikpela na i bilip ol yia i kam bihain bai i bikpela moa we bai pulim moa tim i kam.

Long taim ol i selebret em i askim ol tim, pilaia na sapota long pilai na sapotim gut pilai.

"Dispela em i Independens De bilong mipela na olsem mipela i askim olgeta manmeri, pilaia na sapota long pilai gut long spirit bilong pilai. Mipela i laik lukim olgeta manmeri i amamas long dispela wik," Kalo i tok.

Em i tok kamap bilong ol gutpela pilai bai mekim rot bilong moa ol gutpela pilai long long bihain taim.

Mosbi rot rana long Poreporena Haiwe

DISPELA wik rot resis bai stat long "The Rock" long Poreporena Haiwe klostu long bas stop. Las wik tripela taim ol rana i bin bung long Apex Pak long Boroko tasol tupela taim planti moa i bin lus long dispela ol resis. Las Sarere olgeta rana i save pinis long rot na nogat wanpela i pauf. Ol resis we i gutpela tru em 1.6km, 5km na 10.8km we 50 rana i bin kamap na resis. Ol rana i stat long Apeks Pak ran i go long Bisini Parade na kam bek long Angau Drive long Gordons na bihainim Murray Bareks na kam bek long 5 Mail. Vincent Marcellus i bin winim 1.6km resis long taim 8.05 mini na Rison Bane i kamap long 8.29minit. Patrick Morea husat bipo i wanpela sapota bilong rot resis nau i save kamap long ol pilai. Em i ron gut na kamap long namba tri ples long taim 8:32. Sampela ol liklik manki olsem Joe Mira na Jnr Morea i bin mekim gutpela spit tu. David Junior i winim 5km resis na pinis long taim 21.38 minit na em i 10 sekon i go pas long Noko Negosa husat i kamap long 21.48 minit. Namba tri ples em Tim Omundsen husat i kamap long 22.32 minit. Em i wanpela lapun man husat i kam long PNG. Tim i maraton man long PNG tim long 1991 SP Gem. Narapela man em Hugh Davies husat i ron maski em i sikman. Long 10.8km resis i bin gat pait namel long Milton lakosi husat i kamap long 43.42 minit na Simon Pinampio husat i kamap long 43.47 minit. Namba tri em Swans Pinampio (45.11).

**LAE
BISCUIT CO.**



SPORTS

**LAE
BISCUIT CO.**



**Kirin Japan
Rugby
Pes 38**

**Harlie vs Piggies- POM
Rugby Union
Gren Fainol
Pes 31**

A PNG train cooks gen...

KESIM... *[Faded text]*

...*[Faded text]*... *[Faded text]*... *[Faded text]*... *[Faded text]*...

...*[Faded text]*... *[Faded text]*... *[Faded text]*... *[Faded text]*...

...*[Faded text]*... *[Faded text]*... *[Faded text]*... *[Faded text]*...

ANDREW MOLEN

RELIABLE PowerMate PETROL GENSETS

Available in different sizes to suit your application.
Feature: Circuit Breaker, Battery Charger, Volt Meter & Long Run Tank

**Model: 5GF
Code: 137964
5kva**
K 2,965

**Model: 3GF
Code: 137960
3kva**
K 2,295

**Model: 2GF
Code: 137958
2kva**
K 1,295

FREE 18W FLUORO & POWERBOARD

FREE

With every purchase of a Powermate Petrol Genset!

FATHER'S DAY GIFT IDEAS!
SUNDAY SEPTEMBER 4TH

ISO 9002
SGS

Brian Bell
Shop with a friend

POWERCENTRE 325 8066 BOROKO 325 5411 HCC GORDONS 325 8469 HCC LAE 472 3200 TOP TOWN 479 1918 GOROKA 732 1622 MT HAGEN 542 1999 KOKOPU 982 9027 MADANG 852 1899

The publisher of the newspaper is Justin Hapsu Kili, MPE of Section 58, Allotment 3, Office 2, Waigani Drive